

心小腸部

諸見血 衄血 久衄 產後衄 吐血 咳唾血 妊娠咳唾血
澁血 妊娠尿血 下血 中蟲下血 諸瘵 注夏 解
頭汗 舌種 舌卷 無汗 盜汗 卒中暴厥 五絕 自汗 暴死暴病
手足汗 舌強 舌縱涎下 自嚙舌 汗 自汗

八卷

醫方類聚

十七



醫學綱目卷之十七

心小腸部

諸見血門

衄血

久衄

產後衄

吐血

妊娠咳唾血

澀血

妊娠尿血

下血

中蠱下血

大法

垣衄血出於肺以犀角升麻梔子黃芩芍藥生地紫參丹參阿膠之類主之咯唾血者出於腎以天門麥門貝母知母桔梗百部黃栢遠志熟地黃之類主之如有寒者乾薑肉桂之類主之痰涎血者出於脾胃葛根黃芪黃連芍藥甘草當歸沉香之類主之嘔血出於胃實者犀角地黃湯主之虛者小建中湯加黃連主之

榮之生病也寒熱少氣血上下行方見寒熱

素帝曰有病胸脇支滿者妨於食病至則先聞腥臊臭出清液先唾血四肢清目眩時時前後血病名為何何以得



熱

之岐伯曰病多血枯此得之年少時有所大脫血若醉入房中氣竭肝傷故月事衰少不來也帝曰治之奈何復以何術岐伯曰以四烏鯁骨一鹿茹二物并合之丸似雀卵大如小菴以五丸為後飯飲以鮑魚汁利腸中及傷肝也

論腹中

潔諸見血無寒衄血吐血溺血皆屬於熱但血家症宜服生地黃散主之

生地

熟地

枸杞子

地骨皮

甘草

天門冬

黃芪

芍藥

黃芩

右剉每一兩水盞半煎一盞去渣溫服服微身涼惡風每一兩加桂半錢吐血者多有此證

海龍腦鷄蘇丸治上焦熱除煩解勞去肺熱咳衄血熱驚

悸脾胃熱口甘吐血肝膽熱泣出口苦腎熱神志不定上而酒毒腸熱消渴下而血滯五淋血崩等疾

薄荷

麥冬

甘草

生地

黃芪

新蒲黃

阿膠

黃連

人參二兩已上俱未木通各二兩

銀柴胡二兩對同木通沸湯浸一日夜絞汁

右為細末好蜜二斤先煎一二沸然後下生地黃末不往手攪時加木通柴胡汁浸熬成膏勿令火緊焦了然後加前藥末和丸如豌豆大每服二十九丸白湯下虛勞虛煩梔子湯下肺熱黃芪湯下心熱悸動恍惚人參湯下唾咳吐血四血去心麥門冬湯下肝熱防風湯下腎熱黃柏湯下已上並食後臨臥服治五淋及婦人漏下車前子湯下痰嗽者生薑湯下莖中痛者蒲黃滑石水一鍾調下氣逆者橘皮湯下

室女虛勞寒熱潮作柴胡人參湯下

梅治吐血下血并婦人漏下雞蘇莖葉煎取汁飲之

海胸中聚集之殘火腹裏積久之太陰上下隔絕脈絡部分陰陽不通用苦熱以定于中使辛熱以行於分升以甘溫降以辛潤化嚴肅為春溫變瀉瀉為和氣汗而愈也然餘毒土苴猶有存者周身陽和尚未泰然胸中微躁而思涼飲因食冷物服涼劑陽氣復消餘陰再作脈退而小弦細而遲激而為衄血唾血者有心肺受邪也下而為便血弱血者有之腎肝受邪也三焦出血色紫不鮮此重者寒濕化毒凝泣水穀道路浸漬而成若見血證不詳本源便用涼折變乃生矣陽証溢出鮮血陰証下如豚肝

上而血者黃芪桂枝湯 白芍當歸湯

中而血者當歸建中湯 增損胃風湯

寒

運氣

下而血者芎歸米附湯 桂附六合湯 若二血証在行陽二十五度見黃芪四君子湯主之 若二血証在行陰二十五度見當歸四逆加吳茱萸主之
玄血證吐血衄血便血其入陰虛陽走其脈沉而散其外証虛寒無熱候宜烏金丸散止之法宜上用散下用丸次以木香理中湯加大七氣湯入川芎煎調蘇合香丸溫之
運氣上下出血有四
一曰熱助心火甚而血湧沸也經云歲火太過炎暑流行肺金受邪民病血溢血泄又云少陽之復火氣內發血溢血泄王註謂血上七竅為血溢泄利便血為血泄者是也
二曰寒攻心火虛而血逃亡也經云太陽司天寒淫所勝血變于中民病嘔血血泄衄血善悲又云太陽在泉寒淫所勝民病血見是也

三曰濕勝血亡經云太陰在泉濕淫所勝民病血見是也
四曰寒熱凌犯血亡經云少陰司天之政水火寒熱持於
氣交熱病生於上冷病生於下寒熱凌犯而爭於中民病
血溢血泄是也

雄方治
諸散血

血餘散治血淋兼治內崩吐血舌上出血小便出血用
亂髮皂角水淨洗洒乾燒灰為末每二錢以茅草根車前
草煎湯調下本草謂髮灰消瘀血通關格利水道破癥瘕
血衄者人生血瘤大如栗常被衣擦破則血出不止用此
血餘灰付之愈一人刀傷血流不止用胎髮灰付之亦愈
海孫真人九竅出血方荆葉搗取汁酒和服之
丹九竅出血以刺薊一握絞汁以酒半盞和服之如無生
者搗乾者為末冷水調二錢舌上無故出血如線用槐
花炒研末用手摻之

重血

肘舌上忽出血如簪孔者香薷汁服一升日三服
無用髮灰一錢采醋二合調服或付舌上血出孔處
文蛤散治熱壅舌上出血如泉

五倍子洗

白膠香

牡礪粉各等

右為末每用少許摻患處或燒熱烙孔上

牙齦血

丹治陰虛牙出血氣鬱以四物加牛膝香附生甘草側
柏

羅牙按腫痒動搖牙齦潰潤宣露出血口氣等疾

當歸

藁本

地骨皮

防風

白芷

槐花

川芎

甘草炙

升麻

細辛各等

右為細末每用少許擦牙痛甚者取三錢水一盞半黑
荳半合生薑二片煎至一盞去粗熱嗽冷吐之

孫治滿口齒有血拘杞根為末煎湯嗽後喫又治膈上吐血妙

衍齒縫中多出血當以鹽湯嗽又能金齒走血之驗也

丹齒痛斷出血夜以鹽厚什斷上有涎瀝盡乃臥涎出時

叩齒勿住十夜瘥忌魚肉熱物

肘齒間出血不止苦竹茹以醋浸一宿含之

千濃煎竹葉湯入鹽少許含之止濃煎茶含嗽亦妙

治牙血用附米白芷大黃三物燒灰以青鹽和擦之

本治一切牙疼風熱齩常出鮮血以至崩落口臭不可近

入者宜服之

大黃米泔浸 生地黃大者薄切

右二味旋切各用二片二片合定貼所患牙上一夜即愈未全可則再如前法用忌說話引風毒津液漬痛

處

世無故牙動牙宣血出香附米用薑汁浸一宿晒乾為末

嗽口揩齒令白且堅而不動無血矣 又方以楊梅樹皮

濃煎湯嗽口勿嚥神妙

千治齒斷間津液出血不止以礬石一兩燒水三升煮取

一升先拭齒乃含之

衍有入病齒縫中血出以紙捻蘸蟾酥少許於血出處按

之立止

靈苑治虛氣攻牙齒痛血出牙斷疼痛骨碎補二兩細剉

炒令黑色杵末依常鹽漱後揩齒斷下良久吐之臨臥後

嚥之無妨

無治耳中出血以龍骨末吹入即止

病者汗出汚衣名曰汗血皆由大喜傷心喜則氣散血隨

耳中血 汗血

氣行婦人產蓐有此證治以葶草汁

葶草

不拘多少俗名葛勒蔓也蔓生葉似草麻而小葶有細刺花黃白子如麻子

右搗汁二升醋二合和空腹飲二盞或煮濃飲亦治沸

瀝尿血

右九竅血舌血牙血汗血不愈又當於衄血吐血條相

參用上

針灸

潔衄血吐血下血婦人下血不止 隱白五分

東又法 隱白 太陵 神門各五分 太溪七分

心婦人經脈妄行鑽心脇疼妄行於上則衄血中則吐血

下則下血 瘧門乙分治 巨缺吐血 氣海五分治

中極補三分 三陰交五分

海血證與黃證俱頭汗出

衄血已上行或唾或嘔或吐皆凶也若變而下行為惡利

診

者順也血上行為逆其治難下行為順其治易故仲景云
畜血症下血者當首愈意同若無病之人忽然下利者其
病進也今病血症上行而復下行惡利者其邪欲去是知
吉也

脈沉為在裏榮衛內結胸滿必吐血

仲尺脈浮目睛暈黃衄未止暈黃去目睛慧了知衄今止

病人面無血色無寒熱脈沉弦者衄也浮弱手按之絕

者下血煩欬者必吐血 心脈微瀆為血溢全文見 肺

脈滑甚為唾血 肺脈微滑為上下出血

仲脈弦而大弦則為減大則為乳減則為寒乳則為虛虛

寒相搏此名曰革婦人則半產漏下男子則亡血失精

素脫血而脈實者難治王機真

衄而不止脈大而逆也全文見

難病若吐血復執衄脈當沉細反浮大而牢者死 吐血
衄血脈滑弱者生實大者死 汗出若衄其脈滑小者
生大躁者死

嘔血胸滿引背脈小而疾者逆也全文見診生死

素脈至而搏血衄身熱者死論大奇

仲吐血欬逆上氣其脈數而有熱不得臥者死
垣諸見血身熱脈大者難治難治者邪勝也身涼脈靜者
易治易治者正氣復也 衄血者若但頭汗出身無汗及
汗出不至足者死

禁忌 素賦走血血病無多食宜明五

虛 無止衄散

黃芪六錢

赤茯苓

白芍藥各三錢 當歸

生地 阿膠炒各三錢

右為細末煎黃芪湯調下三錢未止再服

垣治血衄不愈以三稜針於氣衝上出血立愈更服此藥尤妙

五味子十粒 麥門冬去心五分 當歸五錢 黃芪一錢

生地三分 人參五分

右咬咀作一服水二盞煎一盞空心熱服

丹鼻血不止諸方不效糯米炒微黃為末新水下三錢此方甚妙

梅治鼻衄出血眩暈欲死燒亂髮細研水服方寸七須臾吹鼻中瘥

保衄血先服朱砂蛤粉次服木香黃連大便結者下之用
大黃芒硝甘草生地漉軟者梔子黃芩黃連可選用之

實 燕

熱

丹衄血以涼血行血為主 犀角地黄湯入鬱金同用丹

云犀角性走散血 虛者用之禍至

虞世治咯血衄血白芍藥一兩犀角一分為末新水服三錢七衄止為限

竹畫粉散治鼻衄血不止一二服除根白土即畫匠所用畫粉研極細每服五錢新井水調服立止

世人中白為末白湯調服治衄累效

羅生地黄湯治鼻衄昏迷不省

生地三五斤不取取二斤使患人坐吃呷汁三斤許又以其查塞鼻頭更血止取汁尤佳

保衄血不止麥門冬飲子

麥門冬心法生地黄

右切水煎服

孫凡治鼻衄及膈上熱盛乾地黄龍腦薄荷等分為末令

水下

丹鼻衄脈數有熱

人參分三 黃柏分二 黃連分五 地黃錢一

歸尾分五 甘草分二 黃芩分五 芍藥錢一

玄鼻衄血者初出多不能止用黃丹吹入鼻中乃肺金受

相火所制然也宜生料雞蘇散治之

雞蘇葉 黃芪去蘆 生地 阿膠

白茅根各一兩 麥門冬心法 桔梗 蒲黃炒

貝母心法 甘草各五錢

右咬咀每服四錢薑三片水煎服

衍治大熱衄血用萱草根洗淨研汁一大盞生薑汁半盞

相和時時呷丹溪云萱草屬水性下行陰分

丹鼻血貫仲根細末水調一錢七立止

羅寸金散治鼻衄不止

黃藥子錢五 土馬磁半兩有足者

生甘草各一錢

右為細末每服二錢新水調下未止再服立瘥本草云土馬磁即苔與垣衣之類垣衣生牆垣之側土馬磁生垣牆之上昔陰古牆上多有之

簡治鼻衄不止黃藥子為末每服二錢七煎薄荷湯下良

父以新汲水調麩末二匙頓服之

山衄飛麩二錢塩一錢新汲水調下

世衄血用蛙竹末米飲調服驗

膽熱移熱於腦則辛頰鼻淵傳為衄衄全文見診病傳變

河定命散治膽受熱熱血妄行鼻中衄衄并血汗不止

朱砂 寒水石 麝香

右為末每服半錢新汲水調下不計時候看老幼虛實加減

寸脈微為寒

服寸口脈微為寒為衄宜服五味子湯磨紫萸膏令汗出

手男衄寸口脈微小用寒涼藥不止後用小建中湯加梔

仁黃芩黃柏一服立愈

鼻塞為表

用七叔婆鼻塞時有血些少出

羌活 獨活 防風 升麻

乾葛 蒼朮 陳皮錢一 甘草炙

白芷 麻黃 黃芪

分二貼入開口紅椒七粒連二枚去核葱白三根水二

盞煎取液盞稍熱飲之

藏府春善病孰衄全文見五臟

仲從春至夏衄者太陽從秋至冬衄者陽明

丹衄血不止以養胃湯一貼煎服效 一方治衄血妄行之

用百藥煎半燒半生和米酒調服

散者收
本茜梅丸治衄血無時

茜草根 艾葉各一 烏梅肉倍乾

右為細末煉蜜丸如桐子大烏梅湯下三十九

運氣運氣衄有三

一曰熱助心火而血溢為衄經云少陰所至為衄衄又云少陰司天熱氣下臨肺氣上從衄衄鼻窒又云少陰司天熱淫所勝民病衄衄又云少陽司天三之氣炎暑至其病血溢衄衄又云少陽司天火氣下臨肺氣上從衄衄鼻窒又云少陽司天火淫所勝病甚則衄衄又云少陽之復太熱將至欬衄是也
二曰寒攻心火而血逃為衄經云太陰司天寒淫所勝嘔血血泄衄衄善悲時眩仆也

三曰寒熱相逼而衄經云陽明司天之政初之氣陰始疑氣始肅民病中熱衄衄此外寒鬱內熱而衄也又云少陰司天之政四之氣寒熱互至民病衄衄此下寒迫上熱而衄也

雜方

世衄血白芨末新汲水調下神妙

白礬粘過 白龍骨粘古者另研 麝香另研

右三味杵和勻每用一字先將冷水洗淨鼻內血涕然後吹藥於鼻中或以濕紙蘸藥塞鼻尤妙

廣治鼻中衄血及咯吐血不止五色龍骨作末吹之荳許於鼻中立止

榴花百葉者主心熱吐血及衄血等乾之作末吹鼻中
立瘥上指 亂髮微温主欬嗽五淋大小便不通小兒

驚瀾止血鼻衄燒之吹鼻內立已髮灰破活血補陰

木山梔不拘多少燒存性為末搐入鼻中立愈蔡子渥傳

云同官趙無疵其兄衄血甚已死入殮血尚未止偶一道

人過聞其家哭詢問其由道人云曾服丹或燒煉藥予有

藥用之即出此藥半錢七吹入鼻中良久得活併傳此方

治鼻衄入中白係尿銍結者燒灰少許吹入鼻中配劑

本鼻衄過多昏冒欲死用香墨濃研點入鼻中

鼻血龍腦葉研塞立止入鼓尤妙

勝金治衄血以蔥白一握搗汁投酒少許抄三四滴入鼻

中中瘥

無白芨散治鼻衄立效白芨不以多少為末冷水調用紙

花貼鼻中一方用黃膠湯浸令軟貼鼻中根也

治鼻衄久不止或素有熱而暴作者諸藥不效神法以

大白紙一張作十數摺於冷水內浸濕置頂中以熱熨斗

熨之至一重或二重紙乾立止

簡治鼻血不止服藥不應宜用蒜一枚去皮細研如泥攤

餅子如錢大厚下豈許左鼻血出貼左脚心右鼻血出

貼右脚心如兩邊俱出貼兩脚心即瘥血止即以溫水洗

去之下法用紙圓兒右衄塞左耳左衄塞右耳又冷

水調白麵飲之

治衄不止百藥不效因心憂慮得者急縛兩手中指上立

止

針灸

針灸取四經

其一取足手太陽經云衄而不止血流取足太陽大衄

血取手太陽不已取宛骨下不已刺胸中出血又云膀胱

足太陽之脈所生病者衄衄項背腰尻膕端痛視盛虛熱

寒陷下取之又云足太陽之別名曰飛陽去踝七寸別走少陰虛則執衄取之所別也

其二取足手陽明經云胃足陽明之脈所生病者執衄又云大腸手陽明之脈所生病者目黃口乾執衄皆視盛虛

熱寒陷下取之又云邪客於足陽明之絡令人執衄上齒寒刺足中指次指爪甲上與肉交者各一痛左刺右右刺左

瘡衄血 瘡門_三 合谷 內庭

密又法 瘡門 三里_瀉 照海_分

世又法 三里 外關瀉 重者風府

集又法 風府 上星 百勞 合谷不包取後穴迎香人中印堂

口鼻出血不止 上星灸三根穴

虛 診

佳頭腦中寒鼻衄目泣出神庭主之 衄血不止承漿及委中主之 執衄腰脊脚膈痠重戰慄不久立膈如裂脚急跟痛足攣引少腹痛咽喉痛大便難腹脹承山主之 頭重鼻鼽反痰痰汗不出煩心足下熱不欲近衣項痛目腎及小便皆不利至陰主之 診衄法見諸見血門

世久衄炒糯米為末水調服神妙詳見

恒黃芪芍藥湯治鼻衄血面多黃眼溢多眩手麻木張彥明男衄血多歲不效用此方

黃芪_兩 甘草_{二錢} 升麻_兩 葛根

羌活_兩 白芍藥_{二錢} 右為釐末每服半兩水二盞煎至一盞去渣溫服二十

五貼而愈六脈細弦而瀉按之空虛其色必白而天不
澤者脫血也此大寒証以辛溫補之以養血以甘溫潤
之劑佐之即愈此脫血傷精氣之証也六脈俱大按之
空虛心動面赤善驚上熱乃手少陰心之脈也此因氣
盛多而亡血以甘寒鎮墜之劑瀉火與氣以墜浮氣以
辛溫微苦峻補其血再用三黃補血湯

三黃補血湯

熟地二錢

生地三錢

當歸

柴胡各錢

白芍藥五錢

川芎二錢

牡丹皮

升麻

黃芪

各一錢補之治
血溢者上竭

右為釐末每服半兩水二盞煎五沸去渣溫服食前兩
手脈芤兩頭則有中間全無而虛曰乳血至胸中或衄
血吐血以犀角地黃湯主之

羅地黃散治衄血往來久不愈

生地

熟地

枸杞子

地骨皮各等

右為細末每服二錢蜜湯調下日三服

世治鼻血常發者於發時用生薑杵碎合額上二日如痒
就搔之永不復發

肘治入少小鼻衄小勞輒出桑耳無多少炒令焦搗末每
衄發以杏仁大塞鼻中數度可太病瘥後小勞便鼻衄
牡礪一分石膏五分搗末酒服方寸七日三四服亦可蜜
丸如桐子大服之

產後衄

大產後口鼻黑氣起及鼻衄者名曰胃絕肺敗此証不可
治遇有此疾急取緋線一條并產婦頂心髮兩條繫係中
指節即止治產後鼻衄中風以荆芥為末童便調下神

雜方

診治

驗此方氣虛
人勿用

吐血

能攝不

服之好金

垣人參救肺湯治吐血亦用

人參

升麻

柴胡

歸稍

蒼朮各一

熟地

白芍藥

黃芪各二

陳皮

蘇木

甘草各五

右為糞末作一服水二盞煎一盞去渣稍熟食前服

局必勝散治血妄流溢或吐或衄

小薊并根

人參去蘆

蒲黃炒

當歸

熟地

川芎

烏梅去核各

右吹咀每服四錢水一盞煎七分溫服不拘時

有熱者
補中降
火

保雞蘇散治虛損氣逆吐血不止

雞蘇葉

黃芩

刺薊

生地

黃芪各一

當歸

赤芍藥各半

阿膠

伏龍肝兩

右為糞末每服四錢薑三片竹茹彈子大水同煎

丹朱富六因辛苦吐血或衄夜間發熱口乾身疼食少當

作虛勞治

白朮六錢

人參

青皮炒

生地

芍藥

陳皮

歸尾

甘草炙半

川芎三錢

紅花五分

分十貼水二盞煎至三之一食前稍熱飲下保和丸十

四粒與點丸十粒

一婦人年五十餘嘗吐血今又作面黃身蠕動食少

青皮兩半

人參三錢

白朮

陳皮各三錢

白芍藥

木通各二錢

黃連炒

乾薑

黃芩炒

川芎各錢

黃柏炒

生甘草

生地各錢

婦頭二錢

分七貼水二盞煎至三分之一去渣入藕汁半盞再煎
沸通口飲之

血虛
火上行

夫口鼻出血皆係陽盛陰虛有升無降血隨氣上越出上
竅法當補陰抑陽氣降則血歸經也

大補血丸治陰虛吐血

當歸錢一

生地半錢

右以杜牛膝汁浸三日取起酒洗淨入臼內杵千杵為
丸桐子大白湯下

梅治吐血神效方生地黃汁一升二合白膠香二兩以磁

器盛入甑蒸令膠消服妙一方獨用生地黄汁半升飲
之立止神妙

五神湯治婦人熱毒上攻吐血不止

生藕汁

刺薊汁

生地汁各二錢

生薑汁半盞

白蜜盞一

右和煎三兩沸無時以一小盞調炒麩一錢食前服聖
治心熱吐血口乾獨用刺
薊搗絞取汁一小盞服

大四生丸治吐血衄血陽乘於陰血熱妄行

生荷葉

生艾葉

生柏葉

生地黄各等分

右研爛丸如雞子大每服一丸水三盞煎一盞濾過溫
服經驗治吐血咯血一味荷葉焙乾為末米湯下三錢
七亦佳又山居治吐血一味側柏葉研細酒調服妙

丹經血逆行或血腥或吐血用荊菜汁服立效

簡治吐血咯血蒲黃一兩搗為散每服三錢溫酒或冷水

調服妙 治吐血茜草一兩生搗羅為散每服三錢水一盞煎七分放冷食後服

世治內損吐血飛羅麩不以多少微炒濃磨細墨一匙茶調下二錢立效 又方治吐血用松烟墨磨汁服立效

衍治大吐血好墨細末二錢以白湯化阿膠清稠稀得所頓服熱多者尤相宜

痰者
清痰降
火

丹先見紅後見痰多其陰虛火逆痰不下降四物湯加痰

治火血上錯經妄行四物湯加炒山梔童便薑汁此後諸方用童便薑汁雖無痰亦吐血要藥也 治吐血衄血用鬱金為末以童便薑汁

好酒調服用酒方不 治吐血紅山茶花陰乾為末每服一錢用童便半鍾生薑汁少許調服

本治吐血鼻紅生薑一分絞汁并壯健丈夫小便一升乘

熱頓飲瘕

痰積者
下之

丹又方以童便一分酒半分搗栢葉溫飲之 吐血痰積方可下若一碗兩碗吐者只補陰降火用四物大劑之類挾痰若用血藥則泥而不行只治火其血自止山梔最清胃脘血

玄吐血者由憂思諸氣鬱極方散而生熱則心血妄行宜玄明粉加黃丹服之次用四物解毒加藕節治之如前症之熱並宜清之

仲心氣不足吐血衄血瀉心湯主之亦治霍亂

大黃兩 黃連 黃芩各一兩 右三味以水三升煮取一升頓服之

海雲岐子犀角地黃湯治寸芤血在上焦 生地兩 黃芩半兩 黃連兩 大黃兩半

右咬咀秤一兩水二盞煎去查食後服之

簡治吐血川大黃一兩搗為散每一錢生地黄汁一合水半盞煎三五沸無時服

血紫氣塞胸中者下之滯氣

吐血覺胸中氣塞上吐紫血桃仁承氣湯下之

者下之滯氣

馮鼻氣上奔吐血心膈疼

枳殼三錢

青皮二錢

生地

木通

牡丹皮一錢

桃仁八箇

川芎

黃芩

黃連一錢

甘草少

生乾薑

桔梗

分四貼前服

汚血

或暴吐紫血一碗者無事吐出好此熱傷血死肝中宜服

四物解毒之類

傷損吐血

治墜馬積血心胃唾血無數乾荷花根為末酒服方寸

七日三服

無加味芎歸湯治打撲傷損敗血流入胃腕嘔吐黑血或如荳羹汁

川芎

當歸

白芍藥

百合水浸半日

荆芥穗各等分

右剉散每四錢水一盞酒半盞煎七分去查不拘時候

內傷飲食吐血

仲

夫酒客效者必致吐血此因極飲過度所致也此即肺

疽之屬

千吐血有二種有內衄有肺疽有傷胃內衄者出血如鼻

衄但不從鼻孔出是近從心肺間津液出還流入胃中或

如荳羹汁或如切嫩血凝停胃中因即滿悶便吐或去數

斗至一石者是也得之於勞倦飲食過常也肺疽者或飲酒之後毒滿悶吐之時血從吐後出或一合半升一升是也傷胃者因飲食太飽之後胃中冷不能消化便煩

悶強嘔吐使所食之物與氣共上衝厥因傷裂胃口吐血
色鮮正赤腹亦絞痛自汗出其脈緊而數者為難治也嶮

書音百載
疑血也

無理中湯能止傷胃吐血以其方最理中脘分利陰陽安
定血脈海藏亦云飲冷傷脾吐血以理中湯理治中脘
分利陰陽此亦理治內傷之法也方見傷寒

二合灰散治因咳辛熱嘔吐出血一合或半升許名曰肺
疽

紅惠和核燒
存性百藥煎服各
等分

外感雨
濕吐血

除濕湯治胃雨着湯鬱于經絡血溢作衄及血溢流入胃
胃滿吐血五

茯苓

乾薑各四
錢甘草炙

白朮各二
錢

右剉每服四錢水一大盞煎六分去查服頭疼加川芎

二錢最止浴室中發血此方治胃雨吐血理中湯治傷
大吐血不止亦用乾薑一味炮為末童便調
服從治之者可見乾薑亦為吐血要藥也

丹男子年十七家貧而多勞十一月得寒病時吐三兩口

血六脈緊濇一日食減中痞醫投溫膽湯枳桔湯二日後
發微熱口乾不渴口中有痰此感寒也詢知云因斗日前
霜中曾渡三四次溪水心下有悲泣事腹亦飢遂以小建
中湯去芍藥加桔梗陳皮半夏四貼而安 又方治吐血
以艾趾桂五錢為末冷水調服亦小建湯治感寒吐血之
義經云太陽司天寒淫所勝血變于中嘔血泄血衄血平
以辛熱者即理中建中用乾薑桂枝治吐血之類皆同也
吐血挾熱者治法並見血虛
隨火上行條

經治嘔血黃柏好者以蜜塗炙乾杵末用麥門冬熱水調
下二錢七立瘥

挾熱者
內虛

外入

廣治心熱吐血不止生葛根搗汁半大升頓服立瘥
吐血挾寒者多是口食寒物身受寒氣之病治法並見內
傷飲食外感雨寒條

仲 吐血不止栝葉湯主之

栝葉

乾薑各二艾三

右三味以水五升者取通計一升合煮取一升分温再

服

廣治吐血鼻衄不止伏龍肝半升以新汲水一大升淘取

汁和蜜頓服

運氣 運氣血溢有五

一曰熱助心血沸而溢經云少陽司天之政初之氣候乃
大温其病氣沸於上血溢又云少陰司天客勝甚則血溢
又云少陽司天客勝則血溢又云火鬱之發民病血溢治

以鹹寒是也

二曰寒攻心血逃而溢經云太陽司天之政寒濕之氣持
於氣交民病血溢治宜苦以燥之温之也

三曰內火格拒外寒壅遏而血溢經云少陰司天之政終
之氣燥令行餘火內格甚則血溢是也

四曰風濕相薄血溢及下寒相薄蒸熱於上而血溢經云
太陰司天之政初之氣風濕相薄民病血溢此風濕相薄

血溢也四之氣畏火臨淨蒸化地氣騰天氣否膈寒風時
暮蒸熱相薄民病膝理熱血暴溢此地氣之寒相薄天氣

蒸熱於上而血溢也

五曰燥邪攻肝血溢經云歲金太過燥氣流行病反側欬
逆甚而血溢是也

傷肺

夫傷肺者脾氣不守胃氣不清經氣不為使真藏壞決

經脈傍絕五臟漏泄不衄則嘔示從容論○傷肺即傷氣當於氣虛不能攝血條參

羅門冬飲子治脾胃虛弱氣促氣弱精神短少衄血吐血

五味子五箇 甘草 芍藥 黃芪各一錢

紫苑半錢 人參 歸身 麥門冬

右為釐末作二服水煎食後服

木天門冬丸治吐血咯血能潤肺止咳

天門冬 甘草 杏仁炒 貝母

白茯苓 阿膠各半兩

右為細末煉蜜丸如彈子大每服一丸嚥津含化日夜

十九

丹酒色過度飢飽吐血痰血神效

枇杷葉 欵花 北紫苑 杏仁去雙仁皮尖

鹿茸炙如法 桑白皮 木通各一兩 大黃半兩

右煉蜜丸臨臥含化

傷肝

經云怒則氣逆甚則嘔血故氣上矣又云陽氣者大怒則形氣絕而血苑於上使人薄厥此皆怒則傷肝氣而嘔血以黃連香附青黛柴胡甘草平其肝自愈矣宜服赤茯苓瀉心湯

世治嘔血咯血衄血肝損白芨為末米飲調服神效

簡治吐血檉葉搗末每服二錢水一盞煎七分和查服

中蠱毒吐血見下血門

刺灸吐血有二

其一取肺經云暴痺內逆肝相搏血溢鼻口取天府是也其二取筋經云手太陰筋病當所過者支轉筋痛甚成息奔脇急吐血治在燔針劫刺以知為數以痛為諭是也

鍼灸

密吐血風府 大椎 鬲俞 肝俞各五分 瀉

東又法 胃腕中 肝俞各五分

集又法 亶中 中腕 氣海 三里 乳根 支溝不

已取下穴 肺俞 腎俞 心俞 膏肓 關元

東嘔血脇痛口乾不可效引腎痛

不容傍刺 上腕三寸 太陵 郄門 神門

甲嘔血太陵及郄門主之 嘔血上氣神門主之 心下

有膈嘔血上腕主之 嘔血肩急脇下痛口乾心痛與背

相引不可效效則肩痛不容主之

肝脈太甚為內癘善嘔衄虛實法

診吐血法見前諸

咳唾血 咳唾血 身熱多是血虛

大法

丹七傷散治勞嗽吐血痰

黃藥子 白藥子各一兩半 赤芍藥七錢 知母

大玄胡索各半兩 鬱金二錢 當歸兩 山藥

乳香 沒藥 血竭各二錢

右為末每服二錢茶湯下本草云黃藥子白藥子治肺熱有功○一法紅花當歸煎

羅恩袍散治咯血吐血及治煩燥

真生蒲黃 薄荷各一兩

右研勻細每服三錢濃煎桑白皮湯調下

地黃散治一切吐血咯血能解一切毒及諸熱煩燥

茜草根四錢 大豆子 黃藥子 甘草各二錢

右為細末每服二錢新汲水調下加入參二兩治痰嗽

有血

丹痰帶血然出童便竹瀝主之 又方用韭汁童便二物
合和加鬱金細研入內服之其血自消 經血逆行或血
腥吐血唾血韭汁服立效咯血用薑汁童便青黛入血藥
中加四物湯牛膝膏地黃膏之類

氣逆氣滯

方治一切肺病咳嗽膿血及唾膿血不止方好酥三十斤
煉取凝當中醞服一合日三升即止一切藥皆不及此

海甘桔加阿膠紫苑湯治肺痿唾膿血方見傷寒

梅肺疾膿血取薏苡仁十兩杵碎以水三升煎取一升入

酒少許服之本草云薏苡仁下氣利腸胃消水腫

羅大阿膠丸治嗽血唾血

阿膠微炒 卷栢 生地 熟地
大薊獨根者晒乾 雞蘇葉 五味子各一兩 栢子仁另研

血虛

茯苓 百部 遠志 人參

麥門冬 防風各半 乾山藥一兩

右為細末煉蜜丸如彈子大煎小麥麥門冬湯嚥下
丸食後

右方保養精血純補劑也血虛者宜之

氣虛

丹治上氣喘息咳嗽吐血咯血人參細末雞子清調三錢
五更初服便去枕睡仰臥只一服愈年深再服忌酸醃酢
醬麪等物及過醉飽須好將息 一男子二十歲因連夜
勞倦不得睡成一痰嗽出白黃膿嗽聲不出時初春大寒
醫與青龍湯四貼遂覺咽喉有血絲腥氣逆上兩日後血
腥氣多遂有血線一條自口中右邊出直上如此每晝夜
十餘次診其脈弦大而散弱左大為甚人倦而苦於嗽不
作勞倦感寒強以甘辛燥熱之劑以動其血不宜急治恐

成肺痿遂與入參黃芪當歸身白朮芍藥陳皮炙甘草生
甘草不炙去節麻黃煎熟入藕汁與之兩日而病減嗽止却
於前藥去麻黃又與四日而血症除服之散大者未收飲
人亦倦甚遂於前藥中除藕汁加黃芩確砂半夏至半月
而安

大劫勞散治肺痿痰嗽痰中有紅線盜汗發熱熱過即冷
飲食減

白芍藥六兩 黃芪 甘草 人參
當歸 半夏 白茯苓 熟地

五味子 阿膠炒各二兩

右咳阻每服三錢水盞半生薑二片棗三枚煎九分無
時溫服日三陳白華云有女及癯病甚危十歲之間百
藥無效偶得此方只一料除根

羅五味子黃芪散治嗽咯血成勞眼睛疼四肢困倦脚膝
無力

麥門冬 熟地 黃芪 桔梗各半
甘草一分 白芍藥 五味子一分 人參錢二

右為羅末每服四錢水煎日三服
雲岐子云散涼心肺解勞熱

黃芪冊 白芍藥 黃芩 人參
白茯苓 麥門冬 桔梗 生地各半

右為羅末先用竹葉一握小麥七十粒水三盞薑三片
煎三盞半入藥末三錢煎七分去渣溫服

席延賞治虛中有熱咳嗽膿血口苦咽乾又不可服涼藥
好黃芪四兩甘草一兩為末每服三錢如茶點羹粥中亦
可服

右參芪例純補劑也丹溪云脈大發熱為氣虛此氣血俱虛者宜之若血虛而氣不虛者不宜當用前阿膠丸之類及汚血條求之

丹 婦人五十六歲盛夏吐紅痰有二聲嗽

人參錢一 防風伍 白朮錢 陳皮

茯苓錢二 乾薑分三 生甘草分一 桔梗錢半

右煎三之一入藕汁二大蛤再煎帶熱下三黃丸

王凡四夫發熱脇痛咳嗽紅痰口渴木便秘倦息脈稍數而虛詢之發熱曾飲水一碗病因飲食不節成積痰發又飲冷水傷胃成虛傷肺成痰

白朮半錢 人參 陳皮 川芎錢一

芍藥 茯苓 桔梗 甘草各五分

右作二貼煎取八分入竹瀝二分再煎沸熱飲下

九九九如嗽二十九

右丹溪參木藕汁竹瀝法也

補中有通

脈大發熱喉中痛者是氣虛用參芪蜜炙黃柏荆芥地黃當歸韭汁童便薑汁磨鬱金飲之其血自消

右參芪加鬱金韭汁童便補中解鬱也

羅黃芪鱉甲散治虛勞客熱肌肉消瘦四肢倦怠五心煩熱口燥咽乾頰赤心忡日晚潮熱夜有盜汗胸脇不利食減多渴咳嗽稠粘時有膿血

黃芪兩 赤白皮 半夏 黃芩

甘草炙 知母 赤芍藥 紫苑各五

秦艽 白茯苓焙 生地 柴胡

地骨皮各六錢 肉桂 人參

桔槓各三錢 鱉甲去裙 天門冬去心焙 各一兩

右為龜末每服一大錢水一大盞食後煎服

人參黃芪散治虛勞客熱肌肉消瘦四肢倦怠五心煩熱咽乾頰赤心忡潮熱盜汗減食咳嗽膿血

人參兩

秦艽

茯苓各二兩

知母二錢

桑白皮一兩

桔梗兩

紫苑一兩

柴胡二兩

黃芪三兩

半夏兩

鱉甲去裙酥各二兩

右為龜末每服三錢去渣服

右參黃散中例補中有通也

羅人參蛤蚧散治三二年間肺氣上喘咳嗽咯唾膿血滿面生瘡遍身黃腫

蛤蚧一對全者河水浸五宿逐日

杏仁去皮尖

甘草兩

人參

茯苓

貝母

知母

桑白皮各二兩

右為細末磁器內盛每日如茶點服神效

海蛤蚧補肺勞虛嗽有功治久嗽不愈肺間積虛熱久則

成瘡故嗽出膿血晝夕不止喉中氣塞胸膈噎痛用蛤蚧

阿膠生犀角鹿角膠羚羊角各一兩除膠外皆為屑次入

膠分四服每服用河水三升於銀石器內慢火煮至半升

濾去香臨臥微溫細細呷之其查候服盡再搗都作一服

以冰三升煎至半升如前服病人久虛不喜水當減水

右蛤蚧例亦補中有通久嗽不愈者宜之

麥門冬湯治傷寒後傷肺欬唾膿血胸脇脹滿上氣羸瘦

麥門冬心

桑白皮

生地各一兩

半夏湯洗七次

紫苑

桔梗炒

淡竹茹

麻黃去根節各七錢

分五

右為鹿末每服五錢水一盞生薑一錢半棗三枚劈破

同煎去香食後溫服

羅續斷散治骨蒸勞熱傳尸瘦病潮熱煩躁喘嗽氣急身疼盜汗兼治咳嗽唾膿血

續斷

紫苑

桔梗

青竹茹

五味子各三錢

桑白皮各五兩

甘草各二兩

赤小豆升半

右為麤末每服三錢入小麥五十粒水煎去香日三服

海紫苑散治欬嗽唾血虛勞症肺痿癰瘕

紫苑

人參

知母

貝母

桔梗

甘草

五味子

茯苓

阿膠

右為麤末生薑水煎服

右門冬五味例亦補中有通也

外療傷唾血方用茅根一味服方寸匕日三服亦可絞汁飲之主熱渴

丹治勞瘵傳尸寒熱交攻久嗽咯血日漸羸瘦先服三拗湯與蓮心散萬不失

三拗湯

麻黃不去節

甘草生

杏仁不去皮

右剉碎薑東煎服

蓮心散

當歸

黃芩

甘草炙

枳殼炒

鱉甲醋炙

前胡

柴胡

防已

阿膠

蓮肉去心

南星各錢

川芎兩一

芫花醋炒十分乾黑

右十三味吹咀合和獨芫花另包每服二錢半水一小盞半生薑三片棗一枚入芫花一撮煎八分服無時須

補者

吐有異物後荒花漸減蓋荒花反甘草多之所以殺虫
少之所以去寒熱妙處在此方與纂要不同宜考之
本治勞瘵吐血損肺及血妄行神傳膏用剪草一斤葵台
州皆有惟婺州者可用狀如茜草又如細辛每用一斤淨
洗為末加入生蜜一斤和為膏以器盛之不得犯鐵九蒸
九曝日一蒸曝病人五更起面東坐不得語用匙挑藥如
粥服每服四兩良久用稀粟米飯壓之藥冷服粥飲亦不
可太熱或吐或下皆不妨如久病肺損咯血只一服愈尋
常咳嗽血妄行每服一兩可也有一貴人其國封病瘵其
尊人常以此方畀之九日而藥成前一夕病者夢人戒令
翌日勿亂服藥次日將服之為屋上土墜器中不可服再
合既成又將服之為猶覆器又不得服又再合未就而是
人卒矣此藥之異如是若小小血妄行一啜而愈或云是

陸農師夫人鄉人艾孚先嘗親說此事渠後作大觀本草
亦收又集中但人未識不肯信爾

外療咳逆唾膿血雞子湯

雞子筒

甘草條二

甘遂分一

大黃分二

黃芩分二

右用冰六升煮取二升去渣內雞子攪令調盡飲之良
忌海藻菘菜

子和隱湯刘氏一男子年二十餘歲病勞嗽咯血吐唾粘
臭近不可聞秋冬少緩春夏則甚寒熱往來日晡發作狀
如痰癘寢汗如水累服麻黃根敗蒲扇止汗汗自若也又
服寧神散寧肺散止咳嗽自若也戴人先以獨聖散湧其
痰痰狀如雞黃汗湧出昏憤二百不省時時飲以涼水
精神稍開飲食加進又與人參半夏丸桂苓甘露散服之

不數日愈

丹台州林德方年二十餘歲得嗽而咯血發熱肌體漸瘦
衆醫以補藥調治數年其症愈甚予診其六脈皆澁予曰
此好色而多怒精血耗少又因補塞藥太多榮衛不行汚
血內積肺氣壅遏不能下降治肺壅非吐不可精血耗少
非補不可惟倒倉二者俱備但使之吐多於瀉耳兼灸肺
俞五次而愈

肺浮大
作虛治

雞蘇丸治虛熱昏憤倦怠下虛上壅嗽血衄血

雞蘇葉兩半

黃芪兩一

甘草

川芎各半

防風兩一

桔梗兩半

荆芥兩二

甘菊錢三

生地兩半

腦子錢半

右為細末煉蜜丸如彈子大每服一丸麥門冬去心煎
湯嚼下若肺損吐血日漸乏力瘦弱行步不得喘嗽痰

涎或發熱小便赤澁加車前子二錢用桑枝剉炒香
前湯嚼下

脈沉滑
作實治

脈浮大者作虛治宜虛條下參芪諸方主之若浮大而上
壅甚者宜此雞蘇丸方脈沉滑有力者作實治宜實條
諸方主之

熱

丹先痰嗽後見紅多是痰積熱降痰火為急痰涎帶血
出此胃口熟血蒸而出重則山梔輕則藍實荆芥能散
喉管痰血

欬血方

青黛

瓜蒌實

訶子

海石

山梔

右為末薑汁蜜調噲服嗽甚加杏仁後以八物湯加減
調理

埴鄭仲本年二十三歲因心痛服丹附等藥得上氣病膈
兩脇急迫脹觸不快便時嗽咯出血病形漸瘦大便燥而
難脈弦數夜間畧熱食稍減因與燈籠草和節麻黃細末
以白朮桔梗木通甘草湯調下十餘服病減半又與通聖
散去石膏為丸以桃仁湯下之

經治咯血黃蘗子漢防已各一兩為末每服一錢匕水一
盞小麥二十粒同煎食後溫服

羅朱砂膏鎮心安神解熱及肺損嗽血等疾

- 蒼朮二錢 朱砂研 生犀 人參
- 玳瑁 甘草炙 珍珠未各 牛黃
- 麝香 龍腦 南鵬砂 琥珀研
- 羚羊角 安息香醋煮 赤茯苓皮去 遠志去心各
- 鐵粉 蘇合香油和藥亦得

右為末煉蜜破蘇合香油劑諸藥為小錠子更以金箔
裹之磁器收貯每服一皂子大食後噙化衛尉葉丞得
效并阿膠丸相雜服此藥治血安神更勝至寶丹每兩
作五錠子

肺熱咳唾血惟七傷散用黃藥子白藥子最有效方見血
鬱血汚條入脈浮數息灸若誤灸之必唾血仲景云脈浮
熱甚反灸之必咽燥唾血是也 孫兆因博士王珣患咽
喉噎塞胸膈不利時發寒熱夜多盜汗忽心胸塞悶咳血
三數日即止晚後脈數口乾涎唾稠粘咳嗽一二聲不透
肩背微痛嘗於閑元氣海中腕三里等穴著艾不詳病得
之肺虛其狀中容熱症皆因誤灸服暖藥所致遂與外臺
第一廣濟紫花湯為丸合服之立效方未考

寒 百部丸主諸咳不得氣息唾血方

百部根二兩 升麻兩 桂心 五味子
 甘草炙 紫苑 乾薑略
 右七味蜜丸桐子大每服三十九日三次知為度忌生
 蔥海藻菘菜

外療肺偏損胸中虛肺偏痛唾血氣欬欬冬散

欬冬花 當歸各六分 桂心 芎藭
 五味子 附子炮各七分 細辛 貝母各四分
 乾薑 生地各八分 白朮 甘草炙

杏仁去皮尖 紫苑三分
 右共為末清酒服方寸匕日三服忌生蔥生菜桃李雀
 肉海藻松菜猪肉蕪荑
 按唾血咳血屬寒者少合此二方用薑附熱劑蓋為腎
 足少陰脈是動病咳唾血者設也用者審之

肺虛宜
 酸收之

肺盛宜
 辛散之

脈肺傷者其人勞倦則咳唾血其脈細緊浮數皆吐血此
 為躁擾噴怒得之脈傷氣壅所致

經云肺脈不及則令人喘呼吸少氣而咳上氣見血下者
 此病皆肺虛咳唾血之症治法並見氣虛條

治虛勞久嗽咯血用五倍子焙為細末每服一錢用溫茶
 一大口許調勻食後米飲半盞調服

肺經嘔咳諸血及痰中有血初用生蘿蔔汁半盞入鹽
 少許服之立效如無生蘿蔔用蘿蔔子一錢蘇葉一錢同
 煎服次用雞蘇散加阿膠治之

經治咳嗽甚者或有吐血鮮素白皮一斤米泔浸三宿淨
 刮土黃皮剉細入糯米四兩焙乾一處搗為末每服一二
 錢米飲調下此方神效

本治咳嗽咯血成肺痿及吐白涎胸膈滿悶不食匾豆散

匾豆 生薑各半 枇杷葉去毛 半夏

人參 白朮各一 白茅根三

右剉水三升煎一升去渣下檳榔末一錢和勻分四服

不拘時候

千治上氣咳嗽喘息喉中有物唾血方

生薑汁 杏仁脩二用糖 蜜脩一

猪膏合

右五味先以猪膏煎杏仁色黃出之以紙拭令淨搗如

膏和薑汁蜜糖等合煎令可丸每服如杏仁一枚日夜

六七服漸次增加

右後二方生薑多肺虛及汗多亡陽與血下便者忌用

少陰所謂咳唾則有血者陽脈傷也

道氣咳唾血有二

雜方

一曰熱傷肺經云少陰司天熱淫所勝民病唾血又云少

陽司天火淫所勝病欬唾血治以鹹寒是也

二曰濕傷腎經云太陰司天濕淫所勝咳唾則有血治以

苦熱是也

治咯血用白芨一兩藕節半兩為細末每一錢湯調服

神效或云芩下咽至血竅則竅為芩末填而血止也

咯血新綿灰半錢酒調下

針灸唾嗽血毒取足少陰一經經云腎足少陰之脈是動

則病咳唾有血視盛虛熱寒陷下取之也

東吐血內損

地五會五分 魚際五分 尺澤一寸

甲唾血時寒熱瀉魚際補尺澤唾血振寒陰乾大淵主

內傷唾血不足外無膏澤地五會灸胸脇脹滿咳逆

針灸

雜

診

上氣呼吸及唾濁沫膿血庫房主之

外治上氣唾膿血灸兩乳下黑肉際各一十壯

仲寸口脈數其人咳口中及有濁唾涎沫者何師曰此為

肺痿之病若口中辟辟燥咳即胸中隱隱痛脈反滑數此

為肺癰咳唾膿血脈數虛為肺痿數實為肺癰

右肺痿唾膿血治法散見本門諸方若肺痿但唾涎沫

無膿血者見咳嗽門

肺脈微急為肺寒熱急惰咳唾血引腰背胸若鼻息肉不

通經云急者多寒

素肺脈搏堅而長當病吐血王註云肺虛極則咯逆故唾血脈要精微篇

脈唾血脈緊強者死滑者生

手少陰筋病內急心承伏梁下為肘網其成伏梁唾膿血

者死不治全文見筋曰伏梁之積在膈上

禁忌

心脈微緩為伏梁在心唾血全文見虛實法

羅肺痿辨 華嚴寺何上座年未四十四月間因濕浴大

汗出還寺剃頭傷風寒頭疼四肢困倦就市中贖取通聖

散服之又發汗頭疼少減再日復作又以前藥發之汗數

次四肢添勞重喘促自汗惡風咳而有血懶於言語飲食

減少求醫治之與藥又多以生薑為引至六月間精神愈

困飲食減少形體羸瘦或咳或唾紅血極多請予治之具

說前由診其脈浮數七八至按之無力予曰不救矣或曰

何為不救予曰血之與汗異名同類奪汗者無血奪血者

無汗金匱要畧云肺痿之病從何得之師曰或從汗出或

被快藥下利重亡津液故得之今肺氣已虛又以辛藥瀉

之重虛其肺不死何待藏氣法時論云肺欲收急食酸以

收之以酸補之以辛瀉之蓋不知內經之旨仲景云醫術

淺狹憤然不知病源為治乃誤發汗吐下之相皮其禍至速世人但務彼翕習之榮而莫見此傾危之習惟明者若然能獲其本近取諸身夫何遠之有焉其僧不數日果亡

針灸
娠孕咳唾血

娠孕寒熱往來咳嗽血痰或嘔吐不食無力或喘滿乳春相應痛或口中唾如霜雲出語無聲或耳鳴或痰涎日夜數碗誤用熱藥之故也 風門 鬼戶 支溝 間使 各相

如寒熱未解百節痠疼皆憤再取絕骨 太溪 如脈氣未平瀉太淵 太白 熱府

已上穴實瀉虛補治產前病立效此病安後半必有 一變四肢消瘦單腹腫脹即取陰交一穴去其惡物也

洩血

無王屑膏治尿血并五淋砂石疼痛不可忍受者

黃芪 人參 各等分

右為末用蘿藦大者切一指厚三指大四五片蜜淹少時蘸蜜炙乾復蘸復炙盡蜜二兩為度勿令焦至熟蘸黃芪人參末吃不以時仍以鹽湯送下

外療虛尿血方乾膠三兩炙搗末酒二升和溫服

無髮灰散治小便尿血

髮灰 本草云髮灰能消瘀血通開格利水 道破癰疽血 丹溪云髮補陰甚捷

右一味每用二錢以米醋二合湯少許服并花水調亦得一法茅草根車前子煎湯調下尤妙兼治肺疽心內崩吐血一兩口或舌上出血如針孔若鼻衄吹內立已

葛治小便出血當歸四兩細劉酒三升煮取一升頓服

胞絡絕則澀血

丹有血虛四物湯加牛膝膏
悲哀太甚則胞絡絕胞絡絕則陽氣內動發則心下崩數
澀血也全文

澀可去脫

汚血

姚氏治小便出血龍骨末方寸匕水調溫服日三服
肘治淋下血麻根十枚水五升煮取二升服取血神效
經治尿血不止以鬱金二兩搗為末葱白一握相和水一
盞煎三合去渣溫服日三服

濟鹿角膠丸治房室勞傷小便尿血

鹿角膠兩半

沒藥研

油頭髮各三錢

右為末用茅根汁打麩糊丸如桐子大每服五十九鹽湯下

熱

胞移熱於膀胱則癰溺血全文見診
仲熱在下焦者則尿血亦令淋悶不通

丹溺血屬熱山梔炒水煎或用小蘗琥珀

玄小便出血是心伏熱在於小腸宜鏡面草自然汁加生

蜜一匙服之以八正散加麥門冬蔥煎服如小便澀痛以

海金砂細末調治之八正散見淋條

外治尿血車前草搗取汁五合空心服之

濟小蘗飲子治下焦結熱尿血成淋

生地兩四

小蘗根

滑石

通草

蒲黃炒

藕節

淡竹葉

當歸去芦酒浸

山梔仁

甘草炙各半兩

右咬咀每服四錢水一盞煎八分空心溫服

無葶草汁法方見

寶執

丹尿血實者可用當歸承氣湯下之後以四物加山梔當
承氣湯即調胃承氣加當歸

脈尺脈滑氣血實婦人經脈不利男子尿血宜服朴硝煎
大黃湯下去經血針關元瀉之

雜考
丹冬榮散治小便出血及腸風下血用夏枯草燒灰存性
為末米飲下一方用凉水調下

診
少陰瀆則病積澀血積塊又見
咳而且澀血脫形其脈小勁是逆也全文見診生死
咳澀血形肉脫脈搏是逆也同上也凡脈日勞日強日勁

妊娠尿血

聖治妊娠尿血用阿膠炒黃為散每食前以粥飲調下二
錢七

大治妊娠尿血

阿膠熟地各等分
右為末空心粥飲調一錢

下血

大法

丹下血不可用純寒涼藥必於寒涼藥中加辛味為佐久
不愈者後用溫劑必兼升舉藥中加酒浸炒涼藥如酒煮
黃連丸之類凡用血藥不可單行單止腸風獨在胃
與大腸出治用黃芩秦艽槐角升麻青黛定腸風痛用
蒼朮滑石當歸生地黃黃芩甘草下血屬虛者當溫散
之四物加乾薑升麻便血過多者四物加蝟皮有熱
者四物加山梔升麻秦艽阿膠有寒風者蒼朮秦艽芍
藥香附胃清血非監實不除

力腸風
痔毒虫

本如下清血色鮮者腸風也血濁而色黯者藏毒也肛門
射如血線者重痔也亦有一種下部虛陽氣不升血隨氣
而降者

仲景云脈弦而大者弦為緊大為孔緊則為寒孔則為虛

三

革脈為虛宜補
寒虛相搏此名為革婦人則半產漏下男子則亡血失精
此下部虛而下者也若得革脈須宜服溫補藥重痔宜熏
千金用蝟皮艾者佳予嘗用有效方見

升麻補胃湯治宿有腸血症因五月太熱吃杏腸澀下
血遠三四尺散漫如篩腰沉沉然腹中不痛血色紫黑病
名濕毒腸澀是陽明少陽經血症升陽湯主之

升麻半錢 羌活一分 獨活五分 柴胡

防風各錢半 葛根二分 肉桂少許 白芍藥五分

牡丹皮半錢 黃芪錢一分 熟地一分 生地各五分

歸身三分 甘草各五分 右判如麻子大作二服水二盞煎一盞去查稍熱食前

服和中益胃湯治太陰陽明腹痛大便常溏泄若不泄即秘

而難見在後傳作濕熱毒下鮮紅血腹中微痛脇下急脈緩而洪弦中指下得之按之空虛

熟地錢三分 歸身酒洗三分 升麻五分 柴胡五分

蘇木一分 薑本二分 甘草錢三分 益智三分

右作一服水三大盞煎至一盞去查午食前溫服一貼

升陽除濕和血湯治腸澀下血另作一派其血溼出有力而遠射四散如篩下春二月中旬日下二行腹中大作痛乃陽明氣衝熱毒所作也當升陽去濕熱和血脈不兩服而愈

生地 牡丹皮 甘草各五分 白芍藥半錢

熟地 黃芪錢一分 升麻七分 歸身

蒼朮 秦朮 肉桂各三分 陳皮二分

甘草分五

右咬咀作二服水四大盞煎一盞稍熱空心服立效

挾寒

益智和中湯治腸辟下血紅或深紫黑色腹中痛腹皮惡寒者三部脈中指下得之俱弦按之無力關脈甚緊肌表陽明分涼腹皮熱而喜熱物慰之內寒明矣

升麻分五 葛根分五 白芍藥分五 甘草分一

桂枝分四 益智分五 半夏分五 肉桂分一

愈婦身分一 黃芪分一 乾薑分一 牡丹皮分一

柴胡分五

右為釐末作一服水三盞煎一盞食後溫服

挾不
意事

丹婦人年六十性多沉怒大便下血十餘年不止食減形

困心搖動或如烟熏情性極惡早起面微浮急此時便血尤未盡絕中間若得一二日不來則意思稍清但遇稍不

實者清
表攻裏

如意事則血復作百法不治左三部脈浮大稍重手則無久取之又似滯澁而至數不勻右三部沉澁細弱寸脈沉絕予謂氣鬱生涎涎鬱胸中清氣不升經脈壅遏不降心血絕少不能自養所以有如熏之狀非開延不足以行氣非氣行則血不能歸隧道以壯脾為君諸藥佐之遂以二陳湯加酒紅花升麻當歸身酒黃連青皮貝母澤瀉黃芪人參白朮酒芍藥每貼生附子一小片煎服四貼後血止遂去附子加乾葛牡丹皮山梔子而如熏之狀亦除去又於前方加硝砂炒神曲熟地木香倍參朮服半月而全愈

治下血蒼朮地黃同搗細末為丸不用鐵器

玄大使下血曰腸風切勿止澁究其本末症狀先清其表後攻其裏其血自止如脈洪大宜後方四物合解毒湯調

治解毒湯方
見發熱

本治腸風瀉血

牽牛五兩 牙皂三兩不蛀者搥碎

右二味水浸三日後除皂角不用將酒一升煮令乾焙為末煉蜜丸如桐子大每服七丸溫酒送下空心日午夜臥各一服或轉下黃物不妨病可後每日常服五左飯飲送下

黃連湯治大便後下血腹中不痛者謂之濕毒下血

黃連各五錢 當歸各五錢 甘草炙二錢

右咬咀每服五錢水煎

芍藥黃連湯治大便下血腹中痛者謂熱毒下血

芍藥 黃連 當歸各半 大黃

淡桂五錢 甘草炙二錢

右咬咀每服五錢水煎如痛甚者調末香檳榔末一錢

腹中不痛者為濕毒

腹中痛者為熱毒

服之

長夏病甚者為濕熱

夫腸澼者為水穀與血另作一派如瀉桶湧出也夏濕熱太甚正當客氣盛而主氣弱故腸澼之病甚也以涼血地黃湯主之

黃柏去皮 知母炒各一錢 青皮炒 槐下炒

當歸 熟地各五分

右咬咀俱作一服水一盞煎七分溫服如小便澀臍下悶或大便前後重調木香檳榔細末各半錢稍熱於食前空心服如裏急後重久不去者當下之如腹中動搖有水聲而小便不調者停飲也診是何臟以去水飲藥瀉之假令脈洪大用瀉火利水使之類是也如胃虛不能食而大渴不止不可用淡滲之藥止之乃胃中元氣少故也與七味白朮散補之方見消渴如發熱惡

熱煩躁大瀉不止肌熱不欲近衣其脈洪大按之無力
或無目痛鼻乾者非白虎湯症也此血虛發躁當以黃
芪一兩當歸二錢咬咀水煎服如大便秘塞或裏急
後重數至固而不能便或少有白膿或少有血慎勿利
之利之則必致病重及鬱結不通以升陽除濕防風湯
升其陽則陰氣自降矣

升陽除濕防風湯

蒼朮 酒浸炒去
皮淨四錢

白朮 一錢

白茯苓

白芍藥 各一錢
防風 二錢

右咬咀除蒼朮另作片水一碗半煮至二大盞內諸藥
同煎至一大盞去渣稍熱空心食前服如發泄不禁以
此藥導其濕如發泄及泄不止以風藥升陽蒼朮益胃
去濕脈實腹脹閉塞不通宜從權以苦多甘少藥泄之

如得通復以升陽湯助其陽或不便以升陽湯中加世
藥通之

當歸和血散治腸痔下血或濕毒下血

槐花

青皮

荆芥

熟地

白朮 各六分

當歸

升麻 各一錢

川芎 四分

右為末每服二錢清水飲湯調食前下

本治腸風臑毒槐花散

槐花 炒

栢葉 燒爛

荆芥

枳殼

右等分為末每服二錢米飲調空心食前服經驗治下
血槐花煎

芥子分為末
酒調下三升水

大便下血者肺與大腸受熱宜四物同解毒藥入艾煎
下三黃丸調治之

丹治便血久傷血并麻風症癰瘡見面者用

醫部全錄

卷

龜板二兩 升麻 香附各半兩 白芍藥一兩

側柏葉一兩 椿皮七錢

右為末粥丸先用四物加白木黃連甘草陳皮等藥作

湯送下

積熱便血

蒼朮 陳皮各二兩 黃柏 黃芩各半兩

連翹半兩 生地膏兩

右為末以地黃膏搜為丸

脈緩大口渴便血月經紫色勞挾濕熱

白朮五錢 地黃 黃柏炒 白芍藥各三錢

地榆二錢 黃芩一錢 香附二錢

右為末吹飯為丸

孫用和治腸風瀉血黃芪黃連各一分為末酒糊丸如葉

大每服三十丸米飲下

羅結陰丹治腸風下血膿毒下血諸大便血疾

寒溫下血者為結陰

枳殼炒 葦靈仙 黃芪 陳皮去白

椿根白皮 何首烏 荆芥穗各半兩

右為末酒糊丸如桐子大每服五七十丸陳米飲入醋

少許煎過放溫送下

本椿皮丸 臭椿皮刮去麤皮 蒼朮 枳殼各二兩

右為末醋糊丸加桐子大空心食前米飲下三四丸

治腸風瀉血久不止玉屑丸

槐根白皮去麤皮 苦練根去皮各三兩

椿根白皮四兩 三味於九 天南星

半夏各半兩 葦靈仙一兩 寒食麩三兩

並生用

右為末滴水丸如桐子大每服三十丸以水一盞煎沸下九子煮令浮以匙抄起溫溫送下不嚼空心食前服頃年有人下血幾盈盆頓爾疲倦諸藥不效予曰此正腸風令服玉屑丸三服而愈

經治臟毒下血以苦練子炒黃為末蜜丸米飲下十九至二十九甚妙

治腸風痔瀉血羊蹄根葉蒸爛一碗食之立瘥

外治卒下血不止龍膽草一虎口以水五升煮取二升半分為五服瘥

本蕨菜花不以多少文武火焙乾為末每服三錢飯飲調下

子和一男子臟毒下血當六月熱不可堪自甘於死忽思蜜水益捨性命飲一大盞痛止血住

素結陰者便血一升再結二升三結三升略龍吉云結陰之病陰氣內結不得行血無所滲入腸間故便血也其脈虛滿者是也因血結不行故下陰陽別論血泄者脈急血無所行也從容篇

羅真定總管史侯男年四十二歲形體本瘦因勉強飲酸酒得腹痛次傳泄瀉十餘日便後見血或紅或紫腸鳴腹痛醫以諸見血皆熱治以芍藥栝皮湯之類前證如故仍不欲食食則嘔酸形體愈瘦面色青黃不澤心下痞惡冷物口乾時有煩躁不得安臥請予治之診得脈弦細而微遲手足稍冷內經曰結陰者便血一升再結二升三結三升又曰邪至五臟則陰脈不和陰脈不和則血留之結陰之病陰氣內結不得外行血無所滲入腸間故便血也以平胃地榆湯主之

蒼朮錢

白朮

陳皮

茯苓

厚朴各五分

甘草炙

乾薑

當歸

炒麩

白芍藥

益智仁

人參各三錢

地榆分七

升麻一錢

葛根分五

黑附子炮一錢

右作一服水一盞生薑二片棗二枚煎至一盞去查食前溫服此藥溫中散寒除濕和胃數服病減大半又灸中脘二七壯引胃氣上升灸氣海百壯生發元氣灸則強食生肉以還少丹服之至春再灸三里二七壯溫脾壯胃生發元氣次服芳香之劑慎言語節飲食而愈

楊師大醉醒發太渴飲水三大盞又飲冰茶三碗後病便鮮血四次約一盆先與吳茱萸丸翌日又與平胃五苓各半散三大服血止後自利又與神應丸四服自利乃止或問曰何不用黃連之類以解毒予曰若用寒藥其疾大變難治寒飲內傷復用寒藥非其治也况血為寒所凝入

只食寒物

身感寒氣

大腸間而便下血溫之乃行所以得熱則自止 楊氏飲冷酒瀉血服對金散止亦理中脘分利陰陽安定血脈之意也 唐生病因飲酪水及食生物下利紫黑血十餘行脾胃受寒濕毒與六神平胃散半兩加白朮三錢以利腰臍間血一服愈

易胃風湯治大人小兒風冷乘虛入客腸胃水穀不化泄瀉注下及腸胃濕毒下如荳沙或下瘀血日夜無度

人參

茯苓

川芎

官桂

當歸

芍藥

白朮各等分

右咬咀每服二錢水一大盞粟米百餘粒同煎七分去查稍熱空心服小兒量方增減 若加熟地黃芪甘草等分為十味名斗補湯 若虛勞嗽加五味子 若有痰加半夏 若發熱加柴胡 若有汗加牡礪 若虛

寒加附子 若寒甚加乾薑 依本方等分 若骨蒸發熱飲食自若者用十補湯加柴胡一兩 若氣弱加人參 若小便不利加茯苓 若脈弦澀加川芎 若惡風加官桂 若脈澀加當歸 若腹痛加白芍藥 若胃熱濕盛加白朮

潔治血下防風為上使黃連為中使地榆為下使 若血瘀色紫者陳血也加熟地黃 若血鮮色紅者新血也加生地黃 若寒熱者加柴胡 若肌熱者加地骨皮 若脈洪實痛甚者加酒浸大黃

治腸風烏荊丸

川烏頭一兩炮去皮尖

荊芥穗二兩

右為末醋丸桐子大每服二十九溫酒送下熟水亦得 有病發時食前日三服無病時日一服

遠血

仲下血先便後血者此遠血也黃土湯主之

甘草

熟地

白朮

附子炮

阿膠

黃芩各三兩

灶中黃土半斤

近血

下血先血後便者此近血也赤小豆當歸散主之

赤小豆五兩浸令芽出暴乾

當歸兩

右杵為末漿水服方寸匕日三服梅師云治熱毒下血或因食熱物發動以赤小豆炒黑為末每服二錢米飲調下

內傷飲食

則腹滿閉塞下為飧泄久為腸澼全文見五臟

素因而飽食筋脈橫解腸澼為痔生氣通天論

右飲食不節腸癖如羅謙甫治直定總管史侯男飲酸酒下血法及海藏治楊師飲冰茶下血法治唐生飲酪

水下血法疑也並見寒濕條

世治酒積下血不止養後見諸藥不效

神麩半兩 白酒藥二兩

右同為末用清水調捏作餅子慢火上炙黃為細末每服二錢白湯調下亦治泄瀉神效

外感風寒

靈春傷於風夏生飧泄腸癖論疾診

易胃風湯治風冷乘虛入客腸胃下血方見寒濕條

溢

丹治腸風下血及血崩用五靈脂炒去火毒每服一錢

蓋

世腸風下血馬鞭草葉研碎扭汁服

丹臟毒下血車前草連根一握生薑一小塊新水研碎去

渣候血欲下時腰間必覺重便服此藥十盞少坐漸覺冷

下腹中即登廁已不見血矣甚者不過再服

辛散

本治腸風臟毒酒痢下血

黃連 生薑

右二味煎湯下二氣丸次服五槐丸方列于後

又方

金星草三兩草味苦寒 陳乾薑

右為末每服一錢新汲水調空心服

孫真人治糞後有血濃煎艾葉湯和生薑汁三合服之

本治臟毒蒜連丸鷹爪黃連末用獨頭蒜一顆煨香熟研

和丸如桐子大每服三四十九陳米飲下

衍患暴下血以葫五七枚去梗皮量多少入豆豉搗為膏

可即丸如桐子大以米飲下五六十九無不愈者胡即蒜也本草

稱其能

垣烏梅丸治腸風下血服之立效

真僵蚕一兩 烏梅肉焙乾

酸收

右為末薄糊丸如雞頭肉大每服百丸食前白湯送下
日三服

本五槐丸治臟毒

五倍子

槐花糠

百藥煎好者各等分

右焙乾為末酒糊丸如桐子大每服二十九空心米湯
下二日三服

丹治下血用白芷五倍子為末丸服

本治腸風

五味子

白礬各五

右為末順流水丸如桐子大每服七丸米飲下以酒
右酸寒之劑

千糞前有血令人面黃石榴皮取末茄子枝湯下

丹治腸風下血百藥不效有一良醫獨用山裏寒俗名鼻

涕團又名酸參最治下血之疾試取乾者為末服之應手

而安藥石對症其效若此烏可以賤而忽之哉行義云速微熱
右酸熱之劑

本文夫傷血婦人血崩清火大腸出血

草薺蔻

檳榔各炒

鶯粟殼燒

右等分為末每服二錢空心米飲調下

世冬榮散治腸風下血方見

博治遠年日久腸風下血不止枳殼燒灰存性羊脛炭為

末和勻用濃米飲一中盞調下空心五更初一服如人行

五里再服立效每服枳殼灰五

本治腸風炒赤小荳散方見上下血條赤

又方瓜蒌三箇燒灰存性每服三錢空心米飲調下

靈苑治腸風下血久不止茄蒂燒存性為末每服三錢七

食前米飲調下丹溪云茄蒂燒灰存性山柘炒

血見黑
止

本治腸風絲瓜燒灰存性空心溫酒調服二錢
食療治下鮮血梔子燒灰水和一錢七服之量其大小多
少服之

廣治瀉血不止素耳一兩熬令黑水一大升三合煎取六
大合去查空心分溫三服

本治腸風下血

核桃殼 蘭退 皮鞋底 赤雞冠花等

右燒灰為末每服一錢空心溫酒下

又方治臟毒

當歸 枳殼 側柏葉 陳槐花子

百草霜 芍藥各一

右剉碎一處炒令烟微起為末每服二錢空心溫酒調

下日午米湯下各食前服甚妙

雜方

針灸

丹一方治腸澼用陳年椶櫚燒灰百藥煎為丸服

本又方皂角樹上置新瓦上焙乾為末每服一錢溫酒下

山臙毒便血生藕節切片清早蘸平胃散嚼下

丹治腸痔大便常血取蔥白三五斤煮作湯盆中坐立瘡

灸刺腸澼下血有二法

其一取肝經云病注下血取曲泉是也

其二取腎經云腎足少陰之脈所生病者黃疸腸澼視盛

虛熱寒陷下而施補瀉疾留灸也

脹關脈扎大便出血數斗者以禹命湯故也宜灸禹命若

下重去血者宜針關元

垣治腸風下血灸二十椎下隨年壯三報穴立愈

甲腸中有寒熱注下腸澼便血會陽主之 腸鳴澼泄下

宛主之 腸澼泄切痛四滿主之 腸澼中郊主之 一名中郊

恠穴治腸風下血肘內曲澤下一寸

集又法 三間 商陽 太陵 內關 命門 扶承

海血症與黃証俱頭汗出惡風口飲酒便褐色或黑色者

亦同血症治之

素腎脈小搏沉為腸澼下血血溫身熱者死大奇論

淫而奪精身熱色天然及酒後下血血篤重是逆也全診

死生

素心肝澼亦下血二臟同病者可治其脈小沉澁為腸澼

其身熱者死熱見七日死大奇論 帝曰腸澼便血何如岐

伯曰身熱則死身寒則生 帝曰腸澼下膿血何如岐伯

曰脈懸絕則死滑大則生 帝曰腸澼之屬身不熱脈不

懸絕何如岐伯曰滑大者生懸澇者死以臍期之俱通評

脾脈外鼓沉為腸澼久自已 肝脈小緩為腸澼易治

似大奇論

腹脹便血脈大時絕是逆也如此者不及一時而死矣全

見診生死○絕謂引絕而不相續也

脈腸澼下膿血脈沉小留連者生救疾且大有熱者死

腸澼筋攣其脈小細安靜者生浮大緊者死

素陰陽虛腸澼死陰陽別論

胃移熱於脾傳為虛腸澼死不可治全文見診

中蠱下血唾水沉者心腹絞痛下血如爛肉者俱為蠱

千治中蠱下血如雞肝出其餘四臟俱壞惟心未毀或鼻

破待死取馬蘭根末水服方寸匕隨吐則出極神此苗似

葛蔓綠紫生子似橘子

梅治卒中蠱毒下血如雞肝晝夜不絕臍腑敗壞待死用

白蘘荷葉密安病人席下勿令病人知覺自呼蠱主姓名

雜方

百一治中蠱毒或吐下血者若爛肝取蚯蚓十四枚以苦酒三升漬之蚓死但服其汁已死者皆可治
千金翼治蠱毒下血蝟毛燒末水服方寸匕當吐蠱毒
肘療中蠱毒吐血下血皆如爛肝者苦瓠一枚水二升煮取一升服之吐即愈 又方用苦酒一升煮瓠令消服之神效

諸痿 注夏

痿者手足痿軟而無力百節緩縱而不收也

大痿屬濕熱 有濕痿者 有氣虛者 有血虛者 有食積妨碍不降者 有死血者

黃帝問曰五臟使入痿何也岐伯曰肺主身之皮毛心主身之血脉肝主身之筋脾主身之肌肉腎主身之骨髓故肺熱葉焦則皮毛虛弱急薄着則生痿也心氣熱

大法

諸痿皆熱生於肺

則下脈厥而上上則下脈虛虛則生脈痿樞折挈脛縱而不任地也肝氣熱則膽洩口苦筋膜乾筋膜乾則筋急而攣發為筋痿脾氣熱則胃乾而渴肌肉不仁發為肉痿腎氣熱則腰脊不舉骨枯而髓減發為骨痿帝曰何以得之岐伯曰肺者臟之長也為心之蓋也有所失亡所求不得則發肺鳴鳴則肺熱葉焦故曰五臟因肺熱葉焦為痿躄此之謂也悲哀太甚則胞絡絕胞絡絕則陽氣內動發則心下崩數洩血也故本病曰大經空虛發為肌痺痺為脈痿思想無窮所願不得意淫於外入房大甚宗筋弛縱發為筋痿及為白淫故下經曰筋痿者生於肝使內也有漸於濕以水為事若有所留居處相濕肌肉濡漬痺而不仁發為肉痿故下經曰肉痿者得之濕地也若有所遠行勞倦逢天熱而渴渴則陽氣內伐內伐則熱舍於腎腎者水臟

脈痿得於悲哀大甚
筋痿得於入房太甚
肉痿得於居處濕地
骨痿得於勞倦逢天熱

也今水不勝火則骨枯而髓虛故足不任身發為骨痿故
下經曰骨痿者生於大熱也帝曰何以別之岐伯曰肺熱
者色白而毛敗心熱者色赤而絡脈溢肝熱者色蒼而爪
枯脾熱者色黃而肉蠕動腎熱者色黑而齒槁也帝曰論
言治痿者獨取陽明何也岐伯曰陽明者五臟六腑之海
主潤宗筋宗筋主束骨而利機關也衝脈者經脈之海也
主滲灌谿谷與陽明合於宗筋陰陽總宗筋之會會於氣
街而陽明為之長皆屬於帶脈而絡於督脈故陽明虛則
宗筋縱帶脈不引故足痿不用也帝曰治之奈何岐伯曰
各補其榮而通其俞調其虛實和其逆順筋脈骨肉各以
其時受月則病已矣帝曰善痿病
論

治痿獨
取陽明
解

曰東方實則西方虛瀉南方補北方此固就生尅言補瀉
而大經大法不外於此東方木肝也西方金肺也南方火
心也北方水腎也五方之中惟火有二腎雖有兩水居其
一陽常有餘陰常不足故經曰一水不勝二火理之必然
金體燥而居上主氣畏火者也土性溫而居中主四肢畏
火者也火性炎上若嗜慾无節則水失所養火寡於畏而
侮所勝肺得火邪則熱矣木性剛急肺受熱則失所養木
寡於畏而侮所勝脾得木邪而傷矣肺熱則不能管攝一
身脾傷則四肢不能為用而諸痿之病作瀉南方則肺金
清而東方不實何脾傷之有補北方則心火降而西方不
虛何肺熱之有故陽明實則宗筋潤能束骨而利機關矣
治痿之法無出於此駱龍吉亦曰風火既熾當滋腎水東
垣先生取藥皮為君黃芪等補藥輔佐以治諸痿而無一

東垣以
黃柏佐
麥冬生
氣
草等補

此書卷之四
痿

定之方有兼痰積者有濕多者有熱多者有濕熱相半者
有挾氣者臨病制方其善於治痿者乎雖然藥中肯啓矣
若將理失宜醫不治也天產作陽氣厚發熱先哲格言但
是患痿之人若不淡薄食味吾知其必不能安也

丹溪以
乾薑佐
婦科補
血虎補

垣清暑益氣湯

黃芪人參湯 清燥湯三方並見注夏

丹補益丸治痿

龜板酒炙 一兩

瑣陽酒浸 一兩

生地酒浸 兩半

歸身酒浸 一兩

陳皮兩 一兩

杜牛膝酒浸 一兩

白朮兩 二兩

乾薑七錢 半

黃柏炒 半兩

虎脛骨酒炙 半兩

五味子錢 二錢

茯苓兩 半

白芍藥酒浸 一兩

甘草錢 一錢

兔絲子酒蒸熟研如糊 一兩

諸藥為末紫何車為丸如無紫何車猪腦骨髓亦得

龍虎丹治痿

敗龜板酒炙

虎骨酒炙

黃柏酒炙

乾姜二錢 半

瑣陽七錢 半

金箔片

神麩錢 四錢

如懶言語加

山藥末七錢 半

右為末糯粉糊為丸空心白湯服

虎潛丸

龜板兩 四兩

知母兩 二兩

黃柏兩 四兩

熟地兩 二兩

牛膝兩 三兩

瑣陽兩 一兩

虎骨兩 一兩

當歸兩 一兩

芍藥兩 半兩

陳皮兩 七錢

乾薑兩 半兩

右為末酒糊丸加附子治痿厥如神

濕熱痿東垣健步丸加芍藥蒼朮東垣補益腎肝丸治

脚膝無力二方並見痿厥 蕭炳神龜滋陰丸延方見 丹溪氣虛

病痿四君子加蒼朮芍藥血虛病痿四物湯加蒼朮黃

栝下補陰丸保命集治脾虛四肢不用以十全散者蓋

治氣血俱虛者也

無加減四斤丸治腎肝虛熱滯於內致筋骨痿弱不自勝
特起居須入足不任地驚恐戰掉潮熱時作飲食無味不
生氣力諸虛不足

肉苁蓉酒浸 牛膝酒浸 木瓜 兔絲子酒浸

鹿茸燒去毛切酥炙熟地 天麻 五味子酒浸

右為末蜜丸如桐子大每服五十九丸溫酒米湯食前下

王啓玄傳玄珠耘苗丹三方序曰張長沙戒人妄服燥烈
之藥謂藥勢偏有所助勝尅流變則真病生焉猶懼苗不
長而擾之者也若稟氣血不強合服此而不服是不耘苗
者也故名耘苗丹此丹養五臟補不足秘固真元均調二
氣和暢榮衛保神守中

五味子半 巴戟心法 遠志心法 枸杞子
山藥 白茯苓 肉苁蓉酒浸 百部酒浸

杜仲炒斷 蛇床子 防風心法 栝子仁另

兔絲子酒浸另研

右為末蜜丸桐子大食前溫酒鹽湯任下三十九丸春乾
束湯下夏加五味子四兩四季月加茯苓六兩秋加枸
杞子六兩

衛生湯補虛勞強五臟除煩執養真元退邪熱順血脈

當歸 白芍藥各四兩 甘草炙一兩 黃芪八兩

蕭炳治脚軟丹參酒方見

經治骨軟風腰膝疼行履不得遍身搔痒何首烏大而
有花紋者同半膝劉各一斤以好酒一斗浸七宿焙乾於木
臼搗末蜜丸每日空心食前酒下三十九丸
保四肢不舉俗曰癱緩故經所謂脾太過則令人四肢不

脾濕痿

雜方

舉又曰土太過則敦阜阜高也敦厚也既厚而又高則令
除去此真所謂膏梁之疾其治則瀉令氣弱陽衰土平而
愈或三化湯調胃承氣湯選用而用之若脾虛則不用也經
所謂土不及則卑陷卑下也陷地也故脾病四肢不舉四
肢皆稟氣於胃而不能至經必因於脾乃得稟受今脾病
不能與胃行其津液四肢不得稟水穀氣氣日以衰脈道
不利筋骨肌肉皆無氣以生故不用焉其治可十全散加
減四物去邪留正

脾實則
四肢不
舉者甚
者下之

脾實病痿者經云脾病者肉痿足不收又云脾脈太過則
令人四肢不舉又云其犯雨濕之地則為痿者是也

丹濕痿病痿二陳湯加蒼朮白朮黃芩黃柏之類入竹瀝

斗商陸飯治脚軟方見痿厥

手和陳下一武卒宋子玉因駐軍息城六月間暴得痿病

腰膝兩足皆不任用臂而不行求治於予予察其兩手脈
俱滑大而有方予思內經火淫於內治以鹹寒以鹽水越
其膈間寒熱宿痰新者為熱舊者為寒或宿食宿飲在上腕者可以
涌之宿痰既盡因而下之節次間行覺神志日清飲食日
美兩足漸舉脚膝漸伸心降腎升又繼以黃連解毒湯加
當歸等藥及瀉心湯涼膈散柴胡飲子大作劑煎時時呷
之

保心執盛則火獨光火炎上腎之脈常下行今火盛而上
炎用事故腎脈亦隨火炎爍而逆上行陰氣厥逆火復內
燔陰上隔陽下不守位心氣通脈故生脈痿膝腕樞如折
去而不相提挈經筋縱緩而不任地故也可下數百行而
愈

丹痿病食積妨碍不得降者亦有死血者俱宜下之

脾虛則
四肢不
用

素帝曰脾病而四肢不用何也岐伯曰四肢皆稟氣於胃而不得至經必因於脾乃得稟也今脾病不能為胃行其津液四肢不得稟水穀氣氣日以衰脈道不利筋骨肌肉皆無氣以生故不用焉帝曰脾與胃以膜相連耳而能為之行其津液何也岐伯曰足太陰者三陰也其脈貫胃屬脾絡隘故太陰為之行氣於三陰手足三陰之經也陽明者表也五臟六腑之海也亦為之行氣於三陽手足三陽之經也臟腑各因其經而受氣於陽明故為胃行其津液四肢不得稟水穀氣日以益衰陰道不利筋骨肌肉無氣以生故不用焉大陰陽篇○調經篇云脾藏肉不足則四肢不用從容論云四肢懈惰此脾精之不行也脾虛四肢不用治法並見前肺熱條

諸痿喘嘔皆屬於上全上文見診此即諸痿皆生於肺熱之義王註云上謂上焦心肺氣

也

運氣 運氣痿有三

一曰熱痿經云少陰之復少氣骨痿又云少陽之復少氣脈痿是也

二曰濕痿經云歲土太過甚則病肌肉痿足痿不收又云土太過曰敦阜敦阜之紀其病四肢不舉又云太陽司天之政寒濕之氣持於氣交民病寒濕發肌肉痿足痿不收四之氣風濕交爭風化為雨民病木熱少氣肌肉痿足痿又曰陽明司天之政四之氣寒雨降民病骨痿是也

三曰風制脾痿經云厥陰司天風氣下臨脾氣上從而土且隆體重肌肉痿是也

針灸

靈陽明根於厲兌結於頰大頰大者鉗耳是也頰大謂頰頰維二穴也以其鉗束於耳上故名鉗耳也陽明為鬮鬮折則氣無所止息

而痿疾起矣故痿疾者取之陽明視有餘不足無所止息者真氣稽留邪氣居之也 足陽明根于厲兌溜于衝陽注于下陵入于人迎豐隆也 下陵三里也 手陽明根于商陽溜于合谷注于陽溪入于扶突偏歷也 盛絡皆當取之 根結

刺痿經文見前熱條今舉其要肺熱葉焦則肺喘鳴生痿躄色白而毛敗者 補其榮魚際 通其俞太淵 至秋病已

心熱生脈痿數澀血摳折不相提挈脛縱不能在用於地色赤而絡脈溢者 補其榮勞宮 通其俞太陵 至夏病已

肝熱生筋痿下百淫口苦筋急攣色蒼而爪枯者 補其榮行間 通其俞太衝 至春病已

脾熱生肉痿乾渴肌肉不仁色黃而蠕動者 補其榮大都 通其俞太白 至長夏病已

腎熱生骨痿足不在身腰脊不舉骨枯髓減色黑而齒搖者 補其榮然谷 通其俞太溪 至冬病已

又痿痺足不收取之少陽陽明之別經云足少陽之別名曰光明去踝五寸別走厥陰虛則痿躄坐不能起取之所別也又云淫灑脛痿不能久立治少陽之維在外踝上五寸又云足陽明之別名曰豐隆去踝八寸別走太陰其病虛則足不收脛枯取之所別者是也

骨痿懈惰取足少陰髓海經云少氣身溲溲也言吸吸也骨痿懈惰不能動補足少陰又云腦為髓之海其俞上在于其蓋下在風府髓海不足則腦轉耳鳴脛痠懈怠安臥審其俞而調其虛實者是也百節弛縱取脾手太陽之

絡經云脾之大絡名曰大包出淵液下液三寸布胸脇虛則百節盡皆縱此脈若羅絡之血者取之脾之大絡也又云手太陽之別名曰支正上腕五寸實則節弛肘廢取之所別者是也

甲痿不相知太白主之痿不相知足下緩失履衝陽主之足緩不收痿不能行不能言語手足痿躄不能行地倉主之

腎脈微滑為骨痿坐不能起起則目無所見全文見治虛實法

丹斷不可作風治而用風藥上

注夏

子和痿之作也皆五月六月七月之時午者少陰君火之位未者濕土庚金伏火之地申者少陽相火之分故痿發此三月之內為熱也故病痿之人其脈浮大

濕熱

診

虛

丹注夏屬陰虛元氣不足補中益氣中去柴升加黃柏炒按痰者用南星

垣刺志論云氣虛身熱得之傷暑熱傷氣故也痿論曰有所遠行勞倦逢大熱而渴渴則陽氣內伐內伐則熱舍於腎腎者水藏也今水不能勝火則骨枯而髓虛足不任身發為骨痿故下經曰骨痿者生於大熱也此濕熱成痿令久骨乏無力故治痿獨取於陽明時當長夏濕熱大勝蒸蒸而熾人感之多四肢困倦精神短少懶於動作胸滿氣促肢節沉疼或氣高而喘身熱而煩心下膨痞小便黃而數大便溏而頻或痢出黃如糜或如泔色或渴或不渴不思飲食自汗體重或汗少者血先病而氣不病也其脈中得洪緩若濕氣相搏必加之以遲遲病雖互換少差其天暑濕令則一也宜以清燥之劑治之內經曰陽氣者衛外

而為固也熱則氣泄今暑邪于衛故身熱自汗以黃芪甘
溫補之為君人參陳皮當歸甘草微溫補中益氣為臣
蒼朮白朮澤瀉滲利而除濕升麻葛根苦甘平善解肌熱
又以風勝濕也濕勝則食不消而作痞滿故炒麩甘辛青
皮辛溫消食快氣腎惡燥急食辛以潤之故以黃栢苦寒
借甘味瀉熱補水虛者滋其化源以人參五味子麥門冬
酸甘微寒救天暑之傷於庚金為佐名曰清暑益氣湯

黃芪一錢汗少
減五分

人參去蘆五分
升麻一錢

澤瀉五分
甘草三錢

蒼朮去蘆一錢
葛根二分

五味子炒
白朮五分

神麩炒黃五分
黃栢酒浸去皮三分

麥門冬去心
歸身三分

陳皮五分
青皮去皮三分

右件同咬咀作一服水二大盞煎至三盞去渣大溫服
食遠劑之多少臨時斟酌此病皆由飲食勞倦傷其脾

胃乘天暑而病作也但藥中犯澤瀉者茯苓燈心通
草木通淡味滲利小便之類皆從時令之旺氣以泄脾
胃之客邪而補益水之不及也此正方已是從權而立
乏若於其時病濕熱脾旺之症或小便已數腎肝不受
邪者誤用之必大瀉真陰竭絕腎水先損其兩目也復
立變證加減法于後如心火乘脾乃血受火邪而不
能升發陽氣伏于地中地者人之脾也必用當歸和血
少用黃栢以益真陰如脾胃不足之證須少用升麻
乃足陽明太陰引經之藥也使行陽道自脾胃中右遷
少陽行春令生萬物之根帶也更少加柴胡使諸經右
遷生發陰陽之氣以滋春之和氣也如脾虛緣心火
亢盛而乘其土也其次肺氣受邪為熱所傷必須用黃
芪最多甘草次之人參又次之三者皆溫甘之陽藥也

脾始虛肺氣先絕故用黃芪之甘溫以益皮毛之氣而
閉腠理不令自汗而損元氣也上喘氣短懶語須用入
參以補之心火乘脾須用炙甘草以瀉火熱而補脾胃
中元氣甘草最少恐資滯也若脾胃之急痛并脾胃大
虛腹中急縮腹皮急縮者却宜多用經曰急者緩之若
從權必加升麻以引之恐左遷之邪堅盛卒不肯退反
致項上及腎尻肉添而反行陰道故使引之以行陽道
使清氣出地右遷而上行以和陰陽之氣也若中滿者
去甘草咳甚者去人參如口乾嗌乾者加乾葛如脾
胃既虛不能升浮為陰火傷其生發之氣榮血大虧榮
氣伏於地中陰火熾盛日漸煎熬血氣虧少且心包與
心主血血減則心無所養致使心亂而煩病名曰恍惚
者心惑而煩悶不安也是由清氣不升濁氣不降清濁

相干亂於胸中使周身血氣逆行而亂經云從下上者
天引而去之故當加辛溫甘溫之劑生陽陽生而陰長也
身已有甘溫三味之論或曰甘溫何能生血又非血藥也
曰仲景之法血虛以人參補之陽旺則能生陰血也更
加當歸和血又宜少加黃柏以救腎水蓋甘寒瀉熱火
火減則心氣得平而安也如煩亂猶不能止少加黃連
以去之蓋將補腎水使腎水旺而心火自降扶持地中
陽氣也如氣浮心亂則以硃砂安神丸鎮固之得煩
減勿再服以防瀉陽氣之反陷也如心下痞亦少加黃
連氣亂於胸為清濁相干故以陳皮理之能助陽氣之
升而散滯氣又助諸甘辛為用故長夏濕土客邪火旺
可從權加蒼朮白朮澤瀉上下分消其濕熱之氣濕氣
大勝主食不消化故食減不知穀味加炒麩以消之復

加五味子麥門冬人參瀉火益肺氣助秋損也此三伏中長夏正旺之時藥也

脾胃虛弱隨時為病隨病制方 夫脾胃虛弱必上焦之氣不足遇夏天氣熱其損傷元氣怠惰嗜臥四肢不収精神不足兩脚痿軟遇早晚寒厥日高之後陽氣將旺復熱如火乃陰陽氣血俱不足故或熱厥而陰虛或寒厥而氣虛口不知味目中溜火而視物眩暈無所見小便頻數大便難而秘結胃脘當心而痛兩脇痛或急縮臍下周圍如繩束之急甚則如刀刺腹難舒伸胸中閉塞時顯嘔噦或有痰嗽口沃白沫舌強腰背腹痛頭痛時作食不下或食入即飽全不思食自汗尤甚若陰氣覆在皮毛之上皆天氣之熱助本病也乃庚犬腸辛肺金為熱所乘而作當先助元氣治庚辛之不足黃芪人參湯主之

黃芪一錢如自汗過多加一錢

人參五分

甘草一分

白木五分

蒼朮半錢

橘皮二分

黃柏酒洗一分

歸身酒洗三分

神麩炒三分

五味子九粒

麥門冬去心二分

升麻六分

右咬咀俱作一服水二盞煎至一盞去查稍熱食遠或空心服之忌酒濕麪大料物之類及過食冷物如心下痞悶加黃連二分 如胃脘當心痛感大寒藥加草薺仁五分 如脇下痛或縮急加柴胡二分 如頭痛目中溜火加黃連二分 川芎三分 如頭自不清利上壅上熱加蔓荊子三分 藜蘆二分 細辛一分 川芎三分 生地黃二分 如氣短精神少如夢寐間困乏無勞加五味子九粒 如大便澀滯隔一二日不見者致食少食不下血少血中伏火而不得潤也加當歸身生地黃各五分 桃仁三箇去皮尖另

研麻子仁五分如大便通行所加之藥勿再服如
 大便又不快勿用別藥少加大黃錢半如不利者
 非血結血秘而不通也是熱則生風其病人必顯風症
 單血藥不可復加止常服黃芪人參湯藥只用羌活兩
 防風兩半味咬咀以水四盞煎至三盞去渣空心服之
 大便必大走也一服便止如胸中氣滯加青皮并去
 白陳皮倍之去其邪氣此病本元氣不足惟當補元氣
 不當瀉之如氣滯太甚或補藥太過或人心下有憂
 滯鬱結之事更加木香三分或砂仁三分或白芷錢半黃
 芩錢半與正藥同煎服如腹痛不惡寒者加白芍藥錢半黃
 芩錢半却減五味子
 夫脾胃虛弱至六七月間河漲霖雨諸物皆潤人汗沾衣
 身重短氣甚則四肢痿軟行步不正脚軟眼黑欬者此

腎水與膀胱俱竭之狀也當急救之滋肺氣以補水之上
 源又使庚大腸不受邪熱不令汗大泄也汗泄甚則亡津
 液亡津液則七神無所依經云津液相成神乃自生津者
 庚大腸所主三伏之義為庚金受囚也若亡津液汗大泄
 濕令亢甚則清肅之氣亡燥金受囚風木無可以制故風
 濕相搏骨節煩疼一身盡痛亢則害承乃制是也孫思邈
 曰五月常服五味子是瀉丙火補庚金大腸益五臟之元
 氣壬膀胱之寒已絕於己矣腎水已絕於午今更逢濕旺
 助熱為邪西方北方之寒清絕矣聖人立法夏月宜補者
 補天元之真氣非補熱火也令人夏食寒是也為熱傷元
 氣以入參麥門冬五味子生脈脈者元氣也人參之甘補
 元氣瀉熱火也麥門冬之苦寒補水之源而清肅燥金也
 五味子之酸以瀉火補庚大腸與肺金也當此之時無病

之人亦或有二症况虛損脾胃有宿疾之人遇此天暑將
理失所違時代化必困乏無力懶語氣短氣弱氣促似喘
非喘骨乏無方其形如夢寐朦朧如烟霧中不知身所有
也必大汗泄若風犯汗眼皮膚必搐項筋皮枯毛焦身體
皆重肢節時有煩疼或一身盡疼或渴或不渴或小便黃
澁此風濕相搏也頭痛或頭重上熱壅盛口鼻氣短氣促
身心煩亂有不樂生之意情思慘悽此陰勝陽之極也病
甚則傳腎肝為痿厥厥者四肢如在火中者為熱厥四肢
寒冷者為寒厥寒厥則腹中有寒熱厥則腹中有熱為脾
主四肢故也若肌肉濡潰痺而不仁傳為肉痿證證中皆
有肺疾用藥之人當以此調之氣上衝胸皆厥證也痿者
四肢痿軟而無力也其心煩寃不止心神痿亂厥者氣逆
也甚則大逆故曰厥逆其厥痿多相須也於前已立黃芪

醫學綱目卷三

五

人參五味子麥門冬湯中每加白茯苓分二澤瀉分四術分白
木路如小便快利不黃澁者只加澤瀉分二與一木上
下分消其濕如行步不正脚膝痿弱兩足欹側已中痿
邪者加酒洗黃柏知母三分或五分分二足湧出氣力
如汗大泄者津脫也急止之加五味子分六炒黃柏分五炒知
母分三不令妨其食當以意斟酌若妨食則止候食進再服
取三里氣街以三稜針出血若汗不減不止者於三里穴
下三寸上廉穴出血禁酒濕麪夫痿者濕熱乘於腎肝
也當急去之不然則下焦元氣竭盡而成軟癱必腰下不
能動心煩寃而不止也若身重減氣不短小便如常及濕
熱之令退時或所增之病氣退者不用五味子澤瀉諸苓
茯苓黃柏知母蒼朮白朮之藥只依本病中證候加減常
服藥亦須用酒黃柏三分或六七月之間濕令大行子

醫學綱目卷三

五

能令母實而熱旺濕熱相合而刑傷大腸故用寒涼以救之燥金受濕熱之邪絕寒水生化之源源絕則腎虧痿厥之病大作腰已下痿軟癱瘓不能動矣步行不正兩足欹側以清燥湯主之

黃芪錢 黃連去鬚一錢 蒼朮錢 白朮錢

陳皮五 五味子九 人參 白茯苓

升麻各三 當歸一錢 澤瀉五 柴胡

麥門冬 生地 神麴炒 猪苓

黃柏製酒 甘草各二分

右剉如麻菴大每服半兩水二盞煎至一盞去渣稍熱空心服

丹宋其勞傷發熱當作注夏治之

升麻各三 黃芪 人參

水通 白芍藥各五 白朮錢 陳皮

甘草各二分

婦人患注夏手足痿軟而熱

白朮錢 黃柏炒 白芍藥 陳皮

當歸錢 蒼朮五 甘草生 薑二

解休即痿類

解休之證懈倦困弱似痿故附痿後

冬脈太過為病在外則令人解休脊脈痛而少氣不欲言

全文見治虛實法王註云寒不寒熱不熱

素尺脈緩濇謂之解休平人氣象論○王註云尺為陰部

解名謂之

尺內弱者解休安臥脫肉者寒熱不治全文見

刺骨無傷髓髓傷則消燼肝疲體解休然不去矣全文見

針灸

腎病 診

未

心脾

足少陽之瘧令入身體解休寒不甚熱不甚寒見久見入
心惕惕然熱多汗出甚刺足少陽見瘧
舌腫痛 舌強舌卷 舌縱涎下多
舌屬心脾二臟經云心主熱又云在臟為心在竅為舌又
云心氣通於舌心和則舌能知五味是舌屬心也又曰中
央黃色入通於脾開竅於口藏精於脾故病在舌本屬脾
也

表

當舌腫痛 蒼朮 甘草 薑
無金沸草湯治風寒傷於心脾令入增寒熱齒浮舌腫痛
入荆芥穗 旋覆花 前胡 麻黃 去節各
赤芍藥 半夏 各一
右劉散每五錢水一盞半薑七片連三枚煎七分去渣

濕痰

嗽口吐涎半吃一半世醫用此發散傷寒傷風及加杏
仁五味子治咳嗽皆效獨未知用之舌腫牙疼辛未年
有人患舌腫滿塞藥不入其勢危甚大煎此一劑乘
熱以紙籠氣薰之遂愈

熱

世烏犀膏治重舌木舌方見咽
本治心脾壅熱木舌腫脹
玄參 升麻 大黃 犀角 各三

甘草 兩

尿治

右為細末每服三錢水一盞煎至五分溫服不拘時
世舌腫脹出口鵬砂細末切生薑蘸藥搗舌腫處即退
又云草麻取油蘸紙捲燒烟熏之愈又治牛舌出亦好
重舌用好膽礬研細傳之
無黑散子治舌忽然腫破用釜底煤研細以醋調傳舌上

下脫去更傳能先決出血竟傳之尤佳一法用鹽等分調

雜方

山舌腫亂髮燒灰水調下

針灸

飛絲入口喉舌間生泡紫蘇嚼白湯下立效

針灸舌痛獨取脾脈經云脾足太陰之脈所生病者舌本

痛視盛虛熱寒陷下取之也

治舌下腫難言口瘡舌縱涎出及舌根急縮廉泉

得氣即瀉

集治舌腫 廉泉三分 金津 玉液 各用三稜 天突

少商

廉泉 然谷 風府 天突 關元

廉泉一穴一名舌本在頤下結喉上治舌下腫難言

縱涎出口禁舌根急縮下食難刺瘡論云舌下兩脈者廉

泉也刺禁論云刺舌下脈太過血不止為瘡刺節真邪論

云取廉泉穴血變而止以明宜出血禁用針或問取廉泉

穴二說不同一說取頤下結喉上一說取舌下兩脈河者

為當答曰舌本者乃舌根帶也若取舌下兩脈是取舌稍

也舌標也此法誤也當取頤下者為當此舌根也况足陽

明之脈根於厲兌結於廉泉頤下乃足陽明之所行也若

取舌下兩脈非足陽明經也戊與癸合廉泉足少陰也治

涎下解云胃中熱上溢廉泉開故涎下當出血瀉胃中熱

又知非舌下兩脈也頤下結喉上者為准矣張論曰廉泉

玉英者津液之道路也

子南隣朱老翁年六十餘歲身熱數日不已舌根腫起

和舌尖亦腫上至滿口比元舌大三倍一外科以燔針刺

其舌兩旁下廉泉穴病勢轉凶將至顛截戴人曰血實者

灸

宜決之以銑針磨令鋒極大輕發之日破八九次出血約一二盞如此者三次漸覺血少痛減腫消夫舌者心之外候也心主血故血出則愈又諸痛痒瘡瘍皆屬心火燔針艾火皆失此義也

凡舌腫下必有噤虫狀如蜈蚣臥蚕有頭尾小白可燒鐵烙烙頭上即消

舌強舌卷

無礬石散治風濕寒舌強不能語

枯礬

桂心各等分

右為末每服一錢安舌下

針灸舌卷獨取手少陽絡與筋經云邪客手少陽之絡令入喉痺舌卷口乾心煩臂外廉痛手不及頭刺手中指次指爪甲上其端如韭葉各一疔又云手陽明之筋其病支

診

痛轉筋舌卷治在燔針劫刺以知為數以痛為輸是也
舌卷若唇青卵縮者必死經云厥閉絡者甚則舌卷卵上縮經又云肝者筋之合也肝脈弗榮則筋急筋急則引舌其卵故唇青舌卷卵縮則筋先死庚篤辛死也

舌縱涎下多唾

蘭治口角流涎不止口目喎斜手足痿軟方如左流涎者自然流也

寒熱

神龜滋陰丸治足痿

龜板炙四兩

知母酒炒二兩

瑣陽酒洗一兩

黃柏炒赤二兩

枸杞子

五味子各一兩

乾薑炮半兩

右為末清水丸如桐子大每服七十九空心鹽湯下

通天愈風湯

人參錢一

葳靈仙去蘆半錢

貝母去心各錢一

南星湯泡

脈氣皆至也少陰氣至則醫舌少陽氣至則醫頰陽明氣至則醫唇矣視主病者則補之

盜汗 自汗 頭汗 手足汗 無汗

陰陽察陽氣有餘為身熱無汗陰氣有餘為多汗身寒陰陽有餘則無汗而寒

飲食飽其汗出於胃驚而奪精汗出於心持重遠行汗出於腎疾走恐懼汗出於肝搖身勞苦汗出於脾

自汗 全文見 陽加于陰謂之汗

不任外 陰陽之汗以天地之雨名之 五藏 陽加于陰謂之汗 陰陽別命 陽氣入內加于陰氣也凡傷寒始病脈浮至汗出則陽入內加于陰也 証脈 表虛自汗秋冬用桂枝春夏用黃芪能治虛自汗 有寒者亦用桂枝 無寒者用黃芪

無牡礪散治諸虛不足及新病暴虛津液不固躰常自汗 許學士方亦治盜汗不止

黃芪 牡礪 研
右剉散每服三錢水一盞半小麥一百粒煎至八分不

垣周衛湯治濕勝自汗補衛氣虛弱表虛不任外寒

黃芪 麻黃根 生甘草 指苓
羌活 麥門冬 歸稍 生地
生黃芩 五味子 積木 紅花
半夏 湯洗七次五分

右咬咀如麻荳大作二服水一盞煎至三盞去渣稍熱服中風症必自汗汗多不得重發汗故禁麻黃而用根節也

熱者浮
陰火

張芸夫曰酉四月天寒陰雨寒濕相雜因官事飲食失節勞役所傷病解之後汗出不止洩瀉數日惡寒重添厚衣心胸悶燥時燥熱頭目昏憤壅塞食少減此乃胃外陰火熾甚與天雨之濕氣挾熱雨氣相合令濕熱大作汗出不休兼見風邪以助東方甲乙以風藥去其濕以甘藥瀉其熱羌活勝濕湯主之

甘草錢三 黃芪七分 生甘草五分 生黃芪三分
防風三分 酒黃芪三分 人參三錢以助氣益胃
藁木三分 獨活二分 升五分 川芎三分
柴胡五分已上風藥浮其濕 薄荷一分已上清利頭目 細辛一分 蔓荊子各三分
右作二服水二盞煎一盞半後入細辛等四味再熬至一盞去查熱服一服而止諸症悉去

用人參黃芪少佐桂枝湯甚者附子亦可用

嚴芪附湯治氣虛陽弱虛汗不止肢躄倦怠

右咬咀每服四錢水一盞姜十片煎八分食前溫服
本補精氣止肝邪平補五臟虛羸六腑怯弱充肌膚進飲食入參丸

人參 山藥 白朮 白茯苓

石斛 黃芪取頭末 五味子各一分

右為細末蜜丸如桐子大每服三十丸空心食前飲下久服不熱尤宜少年

平人氣象論云尺脈滑謂之多汗王註云尺膚滑而尺脈滑也膚滑者榮血內瀉又針經云腠理發泄汗出溱溱是謂津脫津脫者腠理開汗大泄按此一經論自汗多而

尺脈並滑為味

通治虛

血涸津脫者其治法乃東垣正陽湯用炒黃柏知母及當
歸六黃湯之類是也汗以臟腑言之皆屬心經云心為子
難云腎邪入心為汗出不可止者是也

汗濕勝自
固或問濕之與汗陰乎陽乎予應之曰西南坤土也在人
則為脾胃陽之汗以天地之雨各之濕主淋漓驟注者濕
勝也陰滋其濕為露為雨此陰寒隔熱火也隔者解也陰
濕寒下行地之氣也仲景云汗多則亡陽去則陰勝也
重虛則表陽虛極矣其為寒中濕勝則音聲如從窹中出
若中水也相家有言大音如居深壑裏言其壅也遠也不
出也其為濕也審矣又知此二者亦為陰寒內經云氣虛
則外寒雖見熱中蒸々為汗終傳大寒知始為熱中者表
虛無陽不任外寒終傳為寒中者多成痺寒矣夫色以候
天脉以候地形者乃候地之陰陽也故以脉氣候之皆有

形之可見者也

右濕勝自汗治法並見陰虛條

痰火自汗
用痰症亦有汗 火氣上蒸胃中之濕亦能作汗可用涼
膈散

汗出惡風
素帝曰有病身熱解情汗出如浴惡風少氣此為何病岐
伯曰病名酒風帝曰治之奈何岐伯曰以澤瀉朮各十分
藥銜五分合以三指撮為後飯

河白朮散治飲酒中風汗多不可單衣食則汗出如洗久
不治必為消渴症

牡礪煨三錢 白朮一兩二錢 防風二兩半
右為末每服一錢溫水調下不計時如惡風倍防風白
朮如多汗面腫倍牡礪

酒風一名漏風經云飲酒中風則為漏風漏風之狀或多

雜方

汗常不可單衣食則汗出甚則身汗喘息惡風衣裳濡口
乾善渴不能勞事此即酒風同治也凡五臟風皆自汗惡
風經文見

風門

周師脉弦左大於右不數身易得汗小便赤口燥此為

白朮

陳皮

歸尾

青皮各半

白芍藥

人參各七

黃芩

川芎各三

分九貼煎之二稍熱飲之前藥下保和丸二十粒

動而出汗有虛者有熱者

安胃湯治因飲食汗出日久心中虛風邪令人半身

不遂見偏風痺痿之病先除其汗慄痺之氣按而收之

黃連去

五味子

烏梅去

生甘草各五

熟甘草分

升麻稍分

水通錢

右咬咀分作二服每服水二盞煎一盞去查溫服食遠

忌濕麪酒五辛大料物之類

針灸

刺灸汗出有二

其一取肺經云邪在肺則病皮膚痛寒熱上氣喘汗出頰

動肩背取之膺中外輸背三節五椎之傍以手疾按之快

然乃刺之取之缺盆中以越之者是也

其二取手足少陽經云三焦手足少陽之脉所生病者汗出

目銳眦痛頰痛耳後痛臍足少陰之脉所生病者汗出振

寒瘧皆視盛虛熱寒陷下而施補瀉疾留灸也

肺脉突而散者當病灌汗至冷不復發散也脉要精微

謂汗多如灌洗之狀病能

論云汗出而浴亦此義也

肺脉緩其多為汗

全文見治

虛實法

血病

頭汗

滋頭汗出際額而還血證也額上偏多何謂也曰首者六陽之所會地故熱薰蒸而汗出也額上偏多以部分左頰屬肝右頰屬肺鼻屬中州頤屬腎額屬心三焦之火涸其腎水溝渠之餘迫而上入於心之分故發為頭汗而額上偏多者屬心之部而為血證也飲酒飲食頭汗出者亦血證也至於雜證相火迫腎水上行入於心為盜汗或自汗傳而為頭汗出者或心下痞者俱同血證例治之無問傷寒雜病酒積下之而心下痞者血證也何以然曰下之止陰止陰者則損脾胃而止血氣在胸中以止其血陷之於心之分也故心下痞世人以為血病肝氣藥導之則痞病愈甚而又下之故變而為中滿彭脹非其治也如此然當作何治獨益中州脾土以血藥治之其法無以加矣

手足汗

熱甚 一男子手足汗醫用芩連栝并補劑皆不効又足常汗多後以八物半袂為君白附川烏為佐使其汗即無

雜方

木治脚汗

白礬

乾葛各等分

右二味為末每用半兩水三碗煎十數沸熱洗逐日一次經三五日自然無

無汗

奪血者無汗奪汗者無血榮衛生會篇

虛實

真氣已虧胃中火盛汗出不休胃中真氣已竭若陰火已衰無汗反燥乃陰中之陽陽中之陰俱衰四時無汗其形不久濕衰燥旺理之常也其形不久者秋氣主殺生氣乃竭生氣者胃之穀氣也乃春少陽生化之氣也

盛夏浴食無汗者為表實見心痛表裏條楊順二官子患脈瀉而短重取而弱此久受濕傷血多耳無汗遇勞身熱倦怠如沙病狀

蒼朮

白朮

芍藥各半

陳皮六兩

歸身二兩

甘草

紅花各半

分六貼姜三片煎服

謝老形實夏月無汗成久嗽病

半夏

蘇葉

二味為末入苡末枕流末仁陷末以瓜蒌穰桃仁泥半兩為丸先服二物湯三貼却服此九子詳枕流末蠅殼灰蛤粉之類仁

脂末神

針灸

汗不出曲差主之

盜汗

垣當歸六黃湯治盜汗之聖藥也

當歸

生地

熟地

黃柏

黃芩

黃芪

黃連各等分

右為糞末每服二三錢水一盞半煎七分去渣濕服小兒用半錢

正氣湯治盜汗

黃柏炒一錢

知母炒一錢半

甘草炙五分

右為末作一服水二大盞煎一盞去渣臨臥服

當歸龍薈丸治盜汗見治法門

治盜汗外腎濕

人參

苦參

龍胆草

麻黃根各三錢

右件為末煉蜜丸如桐子大每服三十九燒麩湯下
嚴氏黃芪湯治喜怒驚恐房室虛勞致陰陽偏虛發厥目

發厥為症

汗或盜汗不止並宜服之

黃芪去芦蜜炙兩半 白茯苓去

熟地酒蒸

桂枝炒

天門心去 麻黃根

龍骨各一兩

五味子

小麥炒 防風去芦

當歸酒蒸

甘草各兩半

右咬咀每服四錢水一盞姜五片煎七分溫服不拘時

發厥自汗加熟附子發熱自汗加石斛

盜汗臨夜喫淡煮麥圓子空心服炒香散

取陽氣止盜汗進飲食退經絡熱栝子仁丸

栝子仁 半夏各二兩 牡礪醋碎七次焙乾

人參 麻黃根湯火炙拭去汗 白朮

五味子各一兩 淨麩炒半兩

右八味為末棗肉丸如桐子大空心米飲下三五十九服得効減服將愈即住作散調服亦可

白朮湯治盜汗用白朮四兩分作四處

各味炒黃色餘藥不用只用白朮研末每服三錢用粟

米煎湯送下盡四兩為効

治盜汗山藥一味為末臨卧酒調下三錢效

壯礪散治盜汗見前自

黃芪湯治盜汗

黃芪

木通

葛根一本麻黃根

右為釐末水煎

治盜汗尤切將椒目微炒搗細末用半錢七以生豬上

唇煎湯一合調臨卧服無不効蓋椒目能行水又治水蠱

五仙丸治盜汗

天仙子 五靈脂

右為末水糊丸桐子大三十九白湯臨卧服本草云天仙子一名

良若子性其寒
有毒服者詳之

治盜汗 威靈仙 甘草 水煎服

腎

運氣

臟腑盜汗皆屬腎經云腎病者盜汗出憎風是也
運氣盜汗皆屬寒水經云歲水太過寒氣流行其則勞汗
出憎風又云太陽所至為寢汗瘧是也

雜方

治盜汗 桑葉為末茶服之諸藥不應者累驗此醫

豆豉能治盜汗 患者以一升微炒令香清酒二升漬
兩三日取汗任入服之不差更作三兩劑即止

牡礬煨過麻黃根等分同研極細粉治盜汗及陰汗

製

盜汗 陰都 五里 間使
盜汗 中極 氣海 虛損盜汗勞熱 百勞三分瀉

肺俞四分補

診

成盜汗者 謂睡而汗出者也不睡則不能汗出方其睡也

漆已然出覺則止而不復出矣

卒中暴厥

五絕

暴死暴病

脈動形
靜為尸
厥

卒中者卒然不省人事全如死尸但氣不絕脈動如故或
脈無倫序或乍大乍小或微細不絕而心胸煖者是也

仲尸厥脈動而無氣上閉不通故靜而死也 菖蒲屑內

鼻孔中吹之令人以鞋屑着舌 又方劑取左角髮方寸

針灸

燒末酒和灌之立起此即內經法也詳見後

邪容於手足少陰太陽足陽明之絡 此五絡皆會於耳

中上絡左角五絡俱竭令人身脈皆動而形無知也其狀

若尸或曰尸厥刺其足大指內側爪甲上去端如非葉後

刺足心後刺足中指爪甲上各一瘡後刺手大指內側去

端如非葉後刺手心主少陰銳骨之端各一瘡立已不已

以竹管吹其兩耳鬚其左角之髮方一寸燔飲以養酒一

盃不能飲者灌之立已全文見刺灸

玉氣昏暈奪命在曲澤上針入三分先補候氣回後

臍中灸七壯忌針此

膻中穴能起死回生

玉泉八分補十呼 陰白三分先補後瀉補生

鬼擊支溝瀉補生瀉成 三里補十呼瀉五吸此

少陰脉不止腎氣微少精血奔氣促迫上入胸膈宗氣

反聚血結心下陽氣退下熱歸陰股與陰相動令人不仁

此為尸厥當刺期門巨闕 恍惚尸厥煩痛中極及僕

參王之

尸厥死不知入脉動如故隱白及大敦主之 尸厥暴

死金門主之

氣厥不冷口愈 仁崇最寵貴妃一日食次忽仰倒遍身卒冷急奏帝上

乃急召孫杜既至奏曰不妨此乃氣厥亦少頃吐即復甦也御坐良久果吐而甦上問因何而得二人並奏曰此貴妃方食因憂怨氣上逆與食相併故如此吐即氣透故復甦也上問妃有何事如是妃奏曰陛下無嗣臣妾不能為陛下生皇嗣所以自怨氣忽上逆而至驚動聖駕上嘆曰朕亦自責乃勞汝致病耶因嘉漿孫杜之能良久曰醫道如是豈非良醫也耶

右厥暴不知入不治自愈經云帝曰厥或令人腹痛或令人暴不知入或至半且遠至一日乃知入者何也岐伯曰陰氣盛於上則下虛下虛則腹脹滿陽氣盛於上則下氣重上而邪氣逆也則陽氣亂陽氣亂則不知人也又曰血之與氣奔走於上則為大厥也則暴死氣復至則生不及則死者是也

目開口
張手撒
遺壙為

堂治一人陰先虧而陽暴絕者浦江鄭兄年近六十拳
養受扇之人也仲夏久患滯下而又犯房勞忽一晚登廁
間兩手踈散兩眼開而無光尿自出汗如雨喉如鋸呼吸
甚微其脉大而無倫次無部位可畏之甚予適在彼急令
煎入參膏且先與灸氣海穴大壯如指大至八十壯右手
能動又三壯唇微動參膏亦成遂與一錢至半夜後盡三
盞眼能動盡三斤方能言而索粥五斤而利止至數十斤
而安

仲救卒死而四肢不收失便者方

馬尿一升水三斗煮取二斗以洗之又取牛洞稀糞一
升溫酒灌口中灸心下一寸臍上三寸臍下四寸各一
百壯而痊因或因而為一入並奏曰此
救卒死而張口反抗者方

灸手足兩爪後十四壯飲以五毒諸膏散劫并立外
救小兒卒死而吐利不知是何病方

狗屎一九絞取汁灌之無濕者水煮乾者取汁
死卒死客忤死還魂湯

麻黃去節 杏仁去皮尖 灸甘草錢一 千金有桂三

右三味以水八升煮取三升去渣分吞之通治諸感
忤千金方云主卒忤鬼擊飛尸諸奄忽氣絕無復覺或
已無脉口禁拘不開去齒下湯上下口不下者分病人
髮左右提掄肩引之藥下復增取一升須臾立甦

局蘇合香丸治卒中惡忤瘧

蘇合香油入安息 熏陸香研別 龍腦研各
青木香 白木 白檀香 丁香
朱砂研水 香附子炒去 沉香 犀角鎔

鼻撓

射香

安息香另為末用無灰酒一升熬膏

訶黎勒煨取皮各二兩

右為細末入研藥勻用安息膏并煉白蜜和劑每丸桐子大清晨新汲水溫冷任意化服四九老人小兒一丸溫酒化服亦得用蠟紙裹一丸如彈子大縫袋置之陳無擇云病自內作不曉其名者服之皆效最治氣厥氣不和吐利閉格甚有神效

尉扁鵲中惡與卒死鬼擊亦相類為治皆宜相參用之已死搗菖蒲生根絞汁灌之立差

救卒死而目閉者搗韭汁灌耳中吹皂莢末鼻中効

無治魔卒死諸暴絕証半夏散用半夏不拘多少湯洗七

次為末每用少許吹入鼻中心頭溫者可治舍卒無藥急

於入中穴及兩脚大姆指離用艾雜葉許各灸三五壯安

和 一夫病痰厥不知入牙閉緊急諸蒸不能下候死而已

戴人見之問待病者口中曾有涎否曰有戴人先以防風

藜蘆煎湯調瓜蒂末灌之口中不飲下乃取長蛤甲磨去

又以紙裹其尖灌右鼻竅中嚔然下咽有聲復灌其左竅

亦然戴人曰可治矣良久涎不出遂以砒石一錢又投之

鼻中忽偃然仰面似覺有痛斯須吐膿膠涎數升頓醒砒

石尋常勿用以其病大非如是真能動然無瓜蒂亦不可

使用宜消息之

凡卒中尸厥醫胃中風中暑之類皆當發表也仲景云

欬胃欲解必是大汗出還意湯用麻黃桂枝清愈湯用

荆芥及諸卒中用皂角半夏搐鼻取嚏用藜蘆砒霜折

齒取痰皆所以開發上在神表邪流通也中暑忌冷水

閉表亦此意

本解毒雄黃丸治卒中仆地不知人事方見喉痺

仲三物備急丸
大黃 乾姜 巴豆各一兩去皮尖心外殼研如脂

右藥各須精新先搗大黃乾姜為末研巴豆內中合搗千杵蜜和丸器中貯之。主心腹諸卒暴百病若中惡客忤心腹脹滿卒痛如錐刺氣急口噤唇尸卒死者以熱苦酒服大豆許三四丸或不下捧頭起灌令下咽須臾當差如未差更與三丸當腹中鳴即吐下便差若口噤亦須折齒灌之。

中暑

無中暑悶倒急扶在陰涼處切不可與冷水當以布巾衣物等蘸熱湯慰臍中及氣海續以湯淋布上令徹臍腹微煖即漸省如倉卒無湯處搦道上熱土於臍以多為佳冷即易之古法道塗無湯即掬熱土於臍上仍揅開作窩子

令人更溺於中以代湯續與白虎竹葉石膏湯凡覺中暑急嚼生薑一大塊冷水送下如已迷亂悶嚼大蒜一小瓣冷水送下如不能嚼即用水研灌之止醒路中倉卒無水渴甚急嚼生葱二寸許津同嚥可抵飲水二升中暑之病至則脅發是也

大黃龍丸治中暑眩暈昏不知人或身熱惡寒頭痛狀如傷寒或往來寒熱煩燥渴甚嘔吐泄瀉常服去暑毒分陰陽

硫黃 硝石各一兩 雄黃 白礬
滑石各半兩 寒食麩四兩

右為末滴水為丸如桐子大每服五丸至七丸加至二十九新汲水下昏塞不知入則以水化開灌之中暑忌冷此藥乃以冷水下之乃熱因寒用

本又方解一切暑毒欲死者便服之立甦

半夏四兩醋一升
半煮尽焙乾

赤茯苓

肉桂各半

甘草

白茯苓各一兩

右為末用生姜汁麵糊丸如桐子大每服五十九丸熱水下予夏月登途常蓄此藥於篋箠中防諸緩急及僕偷門每日一服無狀暑之疾奇驗不

中暑昏昏以新汲水滴兩乳以扇搧之重者以地漿灌之則省與水飲則死

諸乘寒者則為厥鬱冒不仁以胃無穀氣脾不運口急不能言戰而慄也

附子理中湯治五藏中寒口噤四支強直失音不語者有武士守邊大雪出帳外忽然暈倒時灌以此藥兩劑遂醒

大附子炮去
皮臍

乾姜炮

甘草炙

白朮各半

右剉為散每服四大錢水一盞半煎至七分去渣空心服口禁則幹開灌之

乾姜附子湯治中寒卒然暈倒或吐逆涎沫如暗風手脚牽搐口禁四支厥冷或復燥熱傷定

世治凍死法四支直口噤只有微氣者用大釜炒灰令熾以囊盛熾心上冷即換之目開氣出然後以粥清稍進之若不先溫其心硬將火灸則冷氣與火爭必死矣

血厥

瘡瘍鬱冒俗呼昏迷慎不可下汗之則愈此因出膿血至多而鬱冒也

仰鬱冒欲解必大汗出

本人平居無疾忽如死人身不動搖不知人目閉不能開口啞不能言或微知人惡聞人声但如眩冒移時方

寤此由汗過多血少氣併干血陽獨上而不入氣壅塞而
不行故身如死氣過亡血還陰陽復通故移時方寤各曰
胃亦名血厥婦人多有之宜白薇散倉公散

白薇

當歸各一兩

人參半兩

甘草一分

右為末每服五錢水一盞煎一盞去渣溫服

倉公散

萹蘆

瓜蒂

雄黃

礬石煨

右等分為細末少許吹入鼻中

脈問曰婦人病經水適下而發其汗則鬱胃不知人何也
師曰經水下故為裏虛而發其汗則表亦虛此為表裏俱
虛故令鬱胃也

婦人半產後用寒涼藥有損論治法○婦人分娩及半

產漏下昏冒不省瞑目無所知覺蓋因血暴亡此有形血
去之後則心神無所養心與包絡者君火相火也得血則
安亡血則危火上熾故令人昏冒火乘肺瞑目不省人事
是陰血暴亡不能鎮撫也故血已虧損往亡用滑石甘草
石膏之類乃辛甘大寒之藥能瀉氣中之熱是血虧瀉氣
乃陰虧瀉陽使二者俱傷反為不足虛勞之病昏迷不省
者上焦心肺之熱也此無形之熱用寒涼之藥驅令下行
豈不知上焦之病悉屬於表乃陰證也汗之則愈今反下
之幸免上焦之虧氣血生命豈能久活又不知內經有
病氣不足宜補不宜瀉瞑目合眼之病悉屬於陰宜汗不
宜下又不知傷寒鬱胃得汗則愈是禁用藥也分娩
半產本氣不病是暴去有形之血亡血補血又何疑焉補
血則神昌常時血下降亡今當補而升舉之心得血則能

養神不昏矣血暴降下是秋冬之令大旺今舉而升之以助其陽則目張神不昏迷矣今立一方補血養血生血益陽以補手足厥陰之不足以全生活血湯主之

全生活血湯諸陽既陷何以知之血下脫故也

紅花 熟地 歸身 芎藭 升麻 柴胡 羌活 獨活 甘草 芍藥 附子 黃柏 熟地 歸身 芎藭 升麻 柴胡 羌活 獨活 甘草 芍藥 附子 黃柏 熟地 歸身 芎藭 升麻 柴胡 羌活 獨活 甘草 芍藥 附子 黃柏

右咬咀每服五錢水煎去渣食前稍熱服

當歸附子湯治臍下冷痛赤白帶下

當歸 附子 芍藥 甘草 芎藭 升麻 柴胡 羌活 獨活 甘草 芍藥 附子 黃柏

右咬咀每服半兩水煎去渣稍熱服或為細末酒麪糊丸亦可

治婦人血風攻腦痛旋悶絕忽死倒地不知人事者用

喝起草取其嫩心不限多少陰乾為末以常酒一大錢不拘時候其功大効服之多達腦蓋善通頂門今合耳是也

大治癱瘓因外感風如中風狀不知人用熟艾為末醋炒

令極熱棄熱以絹帛裹熨臍下良久開省

奔豚氣上衝咽喉發作亦似死狀往來寒熱是也

卒中仆地半身不遂者為中風

卒中仆地口吐涎沫者為癩癩

運氣鬱冒有二

其一屬熱經云少陰之復鬱冒不知人惡寒振慄又云

陽所至為替昧又云諸熱替瘳皆屬於火治以鹹寒是也
其二屬寒經云歲火不及寒乃大行民病鬱冒蒙昧心痛
又太陽司天與太陽之復昏病善悲眩仆又陽明司天之
政四之氣寒雨降病眩作治以甘熱是也

中惡客忤卒死者灸臍中百壯以皂角末插鼻或研韭
汁灌耳中

雜方

救卒死方 以吹風扇吹中風者不眠入用葱艾末酒

韭根 烏梅二七 具茱萸半升

不右三味以水一斗煮之病癰內中至沸櫛浮者生沉者
死者煮取三升去渣分飲之

救卒死方 雄雞冠割取血以管吹內鼻中 猪脂如雞子大苦酒
一升煮沸灌喉中 雞肝及血塗面上以灰圍四方立

起以大豈二七粒以雞子白并酒和盡吞之

救卒死而壯熱者方用礬石半斤以水一斗半煮消以浸
脚令沒踝

世驚怖死者以溫酒灌之

丹痰中後心下迷悶注洋食少倦怠

白朮二錢 川芎錢 蒼朮 半夏

茯苓各一 姜片 水煎服

四六嫂因食生菜青梅痰發昏冒不知人口渴脉滑今已
能言但說心下痞痛乏力

陳皮 白朮各一 蒼朮錢 滑石一錢

木香分 甘草分 半夏七分 水煎服

婦人三十餘歲因產後能食半月後忽頭暈仆不知人醒
後至吞食少

後至吞食少

後至吞食少

後至吞食少

白朮二錢 川芎 黃芩 茯苓各一錢
姜三片

右煎取三之二下保和丸三十粒

諸厥無
腹者
忌下
本世言氣中者雖不見於方書然暴嘉傷陽暴怒傷陰憂
愁拂意氣多厥逆律之多得此疾便覺涎潮昏寒牙關噤
急若緊作中風候用藥非止不相當多致殺人元祐庚午
母氏親遭此禍至今飲恨母氏平時食素氣血羸弱因以
子指館憂惱忽一日氣厥牙噤涎潮一里醫便作中風以
大通丸三粒下之大下數行一夕卒予當痛恨每見此症
急化蘇合香丸灌之便醒然後隨其室熱虛寒而調理之
無不愈者
經云無故而瘖脈來乍大乍小乍短乍長者為祟滑者為
疰緊而急者過尸

素脈空如喘名曰暴厥者不知與人言大奇○脈浮而
散者為眴化王註云浮為虛散為
不足○脈要精微命○急虛身中卒至五藏
絕閉脈動不通氣不往來譬如墮溺不可為期其脈絕不
來若人一息五六至其形肉不脫真藏雖不見猶死也機
真藏

無中暑脈陽弱陰虛微遲似芤

脈問曰婦人病如癩疾壽眉一日二十余死師脈之久言
帶下也如師言其脈何類何以別之師曰寸口脈濡而緊
濡則陽氣微緊則榮中宮陽微衛氣虛血竭疑寒陰陽不
和邪氣合於榮衛疾起年少時經水來以合房室移時過
度精感命門開經下血虛百脈皆張中極感陽動微風激
成寒因虛舍榮衛冷積於丹田發動上冲奔在胸膈津液
掩口又涎唾涌溢出眩暈狀如厥氣冲髀裏熱粗醫名為

癩灸之因大劇。問婦人病若氣上冲膈眩胃吐涎沫。胃裏氣冲熱師脈之不名帶下其脈何異。何以別之。師曰寸口脈沉而微沉則胃氣伏微則榮氣絕陽伏則為疹陰絕則為亡血病當不便不利津液閉塞今反小便通微汗出沉變為寒效逆嘔沫其肺成痿津液竭少亡血損經絡因寒為血厥手足皆痺氣從丹田起上至膈脇沉寒怫鬱於上胸中窒塞氣歷陽部面倉如醉形軀似肥此乃浮虛醫反下之長針復重虛榮衛久發眩冒故知為血厥也。

仲問曰寸口脈沉大而滑沉則為實滑則為氣實氣相搏血氣入藏即死入腑即愈此為卒厥何謂也。師曰唇青身冷為入藏即死如身溫和汗自出為入腑即愈。

病人病尸厥呼之不應脈伏者死脈當大反小者死。卒中莖腹大四支滿脈大而緩者生緊大而浮者死緊細而

微者亦生

五絕

一治五絕。一自縊。二推壓。三溺水。四魔魅。五產乳。并夏一兩末。大豆。大肉。鼻中愈。心溫者方。可治。出子母秘錄

一治自縊死。且至暮。雖已冷。必可治。暮至旦。則難。恐此當言陰氣盛。故也。然夏時夜短。於晝。又熱。猶應可治。又云。心下若微溫者。一日已上。猶可治之。當徐徐抱解。不得截繩。上下安被。臥之。一人以脚踏其兩肩。手挽其髮。當令弦急。勿使縱緩。一人以手據胸上。救摩動之。一人摩捋臂脛。屈伸之。若已強直。但漸屈之。并按其腹。如此。一炊頃。雖得氣。從口出。呼吸眼開。仍引按。莫置。亦勿勞之。須臾。可少與桂湯及粥。清含與之。令濡喉。漸能咽。乃止。更令兩人以管吹其兩耳。亦好。此法最善。無不活者。

救自縊死法

自縊者切不可割斷繩子以膝蓋或用手厚裹衣物緊預穀道拘起解繩放下操其項痕搗鼻及吹其兩耳待其氣回方可放手若便泄氣則不可救矣

自縊死安定心神徐緩解之慎勿割繩斷抱取心下稍溫者刺雞冠血滴口中即活男雌女雄一又方以雞尿白如棗大酒半盞和灌及鼻中尤妙千金方以藍汁灌之餘方同上

救墮壓死法

卒墮顛壓倒打死心頭溫者皆可救將本人如僧打坐令一人將其頭髮控放低用半夏末吹入鼻內如活却以生姜汁香油和勻灌之

救溺死法

仲救溺死方取甕中灰兩石埋之從頭至足水出七孔即活
溺水者放大瓮上睡着將脚後發脚站起一磚却離瓮

救魔死法

擦唇口待其水自流出切不可倒提出水此等等但心下微熱者皆可救治又方溺水死一宿者尚活搗皂角綿裹內下部須臾出水即活

世治鬼魔不寐中惡者皂角為末如棗豆大吹入鼻中得嚏即氣通

魔死不得近前喚但痛咬其脚跟及唾其面不省者移動些少卧處徐徐喚之元有燈則存無燈切不可點燈及用皂角搗兩鼻

肘臥忽不寤勿以火照殺入但痛齒大指指甲除而垂其面則活取葦擣汁吹鼻孔冬月用葦根取汁灌口中

集治卒魔雄黃搗末細篩以管吹入鼻孔中

暴死暴病

暴死乃真死也皆死於片餉半日或一日二日如非卒中

可再醒

灵黄帝曰其有卒然暴死暴病者何也少師荅曰三虛者其死暴疾也得三實者邪不能傷人也黃帝曰願聞三虛少師曰乘年之衰逢月之空失時之和因為賊風所傷是為三虛故論不知三虛二反為龜帝曰願聞三實少師曰逢年之盛遇月之滿得時之和雖有賊風邪氣不能危之

三虛相搏則為暴病暴死全文見診歲為病

運氣

運氣暴死暴病有四

一曰虛經云六位之氣盈何如歧伯曰大少異也大者之至徐而常少者之至暴而亡是也蓋暴雖謂所至之氣然病氣皆在其中也

二曰火經曰火鬱之發甚則悶懊懷善暴死又云少陰所

診

至為暴死又云少陽司天之政三之氣炎暑至民病暴死又云陽明司天之政二之氣榮厲大至民善暴死又云少陽所至為暴病是也

三曰風火經云少陽司天火氣下臨風行於地其主暴速又云厥陰司天風氣下臨其發機速主所謂變化卒急其為疾病速在發機是也

四曰金經云金太過曰堅成堅成之紀其動暴折瘍疰是也此金兼火化之氣金主折火主暴也

靈雷公曰人不病而卒死何以知之黃帝曰火氣入於臟腑者不病而卒死矣雷公曰病小愈而卒死者何以知之黃帝曰赤色出兩顴大如拇指者病雖小愈必卒死黑色出於庭大如拇指必不病而卒死赤色出兩顴即脈訣所是也

五色篇

針灸

醫學綱目卷之

八

太陽根于至陰結于命門命門者目也太陽為開開折則肉節瀆而暴病起矣故暴病者取之太陽視有餘不足瀆者皮肉宛脹而弱也

根結篇

根結篇

諸

四曰金鑿云金大鑿曰望遠望遠之脈其隨暴作其

三曰風火暴云火暴曰天火暴才則風狂

二曰風火暴云火暴曰天火暴才則風狂

一曰風火暴云火暴曰天火暴才則風狂



